

新鄉縣續志

卷六傳

新鄉縣續志卷六

人物傳下

廉介

廉介亦庸德之行也自世道澆衰人心不古貪污成俗汶汶者多而此行轉若鳳毛麟角不數數覩史稱廉介特傳可以觀世道慨乎其言之矣然表章所及有起衰振靡之功細行必矜亦足資觀感也

杜世英原名世琛咸豐己未舉人辛未大挑二等授通許縣教諭性嗜學家貧苦讀爲諸生時聞羅帷書爲名孝廉從遊數年遂登賢書然無仕宦想耿介自守日食藜藿晏如也嘗館河內某氏其居停爲著名富紳願爲指捐河內教諭不受城內劉某巨富其甥也請爲捐官英正色曰財帛有數窮通有命其甥不敢復請家居

無事率子弟採樵積肥料有一介不取風卒於通許任所琴書外無餘貲也

邑人孟希聖杜芝田先生傳杜公諱世英字芝田小冀鎮人外渾厚而內精明自幼讀書輒能領悟年甫冠以府案元補博士弟子員所志者大不甘小就嘗下帷勵志博極羣書歷十餘年不少懈其爲文純以意勝不尙辭藻一時諸名士皆欽佩焉咸豐己未登賢書辛未會試大挑二等家貧甚以舌耕謀生活設帳授徒循循善誘希聖嘗親災其門聆其言論獲益良多然慷慨好義卓越恒流咸豐十一年東匪作亂竄至滎澤據該縣童子二渡河北上道經小冀鎮被鎮中義勇擊散遺二童子於道旁公聞之收養於家賊退招其家人領去且賦性耿介取與無所苟同邑廩生劉寶仁公甥也以誼屬至戚欲爲公納粟補缺

卜昌王大溫觀察公居停也以公品行端方足爲士類楷範  
爲之指捐河內縣教職公皆辭不受安貧樂道其斯之謂歟  
緒四年春署理通許縣儒學訓導是年八月因老病卒於學  
嗚呼以學品兼優之人而竟困阨終身不獲大用良可慨也子  
五常五常倫常理常陳常綱厥後常理更名肯堂以縣案元入  
邑庠焉

馬少波字漢臣恩貢生安貧樂道不求聞達茅檐蔀屋疏水不給  
宴如也教授生徒不受貧者脩脯見有恃衿妄爲者以爲有玷膠  
庠輒羞與爲伍充鄆南書院齋長處事公正一介不苟邑侯山長  
皆敬重之

劉崇素字樸菴幼貧苦力學有斷齏畫粥風弱冠入庠旋食餼以  
舌耕供事畜益清潔自勵時廩生有濫保圖財者密與謀輒斥遠

之恥與爲伍秋試屢躋以歲貢終晚年任都公所事力省浮費凡  
衙前蠹棍來公所騙借錢文者覩劉先生在則縮項而去一介不  
取一介不與時論咸推重之

崔青嵐字曉山庠生清潔自好公正無私任衛後所局務數十年  
鉤稽公款出入一文不苟遇事竭誠盡力不辭險難閭邑稱之

朱暉明字熙齋庠生幼失怙恃育於兄嫂性狷介不苟取與衛靜  
澗中丞賢之延主幕府橐筆從游江浙數省歷十數年勤於職務  
絕不干預公事故歸而依然寒素惟謹事兄嫂以爲深恩莫報甘  
旨之遺時恐不給廉正之操孝友之行足以風矣

牛席舉字待選精醫術有延視者無遠近皆赴之偶於途次拾銀  
一包約五兩餘意必窮人遺失遂寫招帖招領數日馬庄某踵門  
叩謁云其子在汴所得備資失之途間徧找不獲悶臥不食者數

口矣詢其數目相符舉以付之不受酌

崔錦屏歲貢生素勵清操取與不苟曾隨婁村許文田赴四川蒼溪縣幕及卸任歸蜀道崎嶇艱辛萬狀衣物一空絕不向許假貸設教近村自安其素許雖相邀亦不輕一往人以是重之

于椿字八千于店人素性耿介臨財不苟應童試赴郡於小店北門外拾一紙包內有白金三錠十餘兩納之囊中不數里見一人奔馳尋視椿問曰子行色倉皇有何要事答云余長村王姓賣牲口於小店取價而歸一時不慎遂至遺失徧尋無獲椿詰其數相符探囊與之其人感激請分一半謝曰我以此非我分內物故取以還舊玉豈索謝哉是歲入邑庠鄉里益重其品云

呂蔭棠字芾南歲貢生先世小冀鎮人以教讀徙居暢家岡年十九入庠旋食餼設帳四方以善誘稱年四十有一同治建元以恩

新編縣志卷六  
貢候銓選例當授直隸州州判囊橐艱澁不肯赴都時有富室王  
某願解囊飲助笑而謝之曰以人之貲財作宦遊費負而不償不  
義汲汲取盈於民以償逋負不仁曷若我行我素優游林下以自  
娛寧必義冠博帶始爲榮耶以布衣終卒年六十有六

楊守山楊堤人光緒四五年間于店張時中過其地遺失白金五  
十兩守山家人拾之次日張來尋訪守山原璧以歸張請送匾爲  
謝不爰子俊峯傑峯孝友傳家孫曾蕃衍田產日增其貽澤可以  
想見

田莫生字瑞圃天性敦篤孝事雙親友愛諸弟幼以家貧僅一應  
童子試棄而就商輕財重義一介不苟遇有公益事勤慎耐勞歷  
久不倦如倡修文昌閣瞻汴橋又創建喜雨橋則其最著者雖以  
弟芸生貴而布衣疏食儉樸自安謙和忍讓力戒驕奢鄉里咸敬

重之宣統二年子文茵於尙書坊南拾得錢袋內有銀二封各書  
湘平銀六兩持以告卽令出招帖招領嗣有楊某來云係其壻劉  
某代友領餉遺失情急無聊幾釀命禍情事相符付之去雖云小  
節所關者大固不止廉介之足尙也卒年六十有五

劉召棠劉司馬村人素行端正動遵禮法見義必爲不輕然諾遊  
泮後以母病博稽醫術頗有心得施藥救濟活人甚衆光緒三年  
大饑在小翼鎮購杜姓書一部至夜閱之內有鈔票十餘緡曰此  
非吾財也人家性命所關得之則生失之則死黎明遂親造其門  
還之其人感謝則曰此子分內物與我無干豈索謝乎力辭而去  
當困苦流離之際而一介不苟其篤行君子乎





新鄉縣續志

人物傳下

技術

古云雖小道必有可觀殆謂人生才德兼備者難但有一長一藝之足錄皆足名當時而傳後世人非下愚豈可暴棄自甘哉故奇才異能特著之以爲矜式即片長薄技亦節取之以爲無所用心者勸且其中多隱君子焉在識者辨之耳

朱湛字任之長身黑面勇力絕倫常以稱錘重十餘斤者繩繫其環作流星錘舞之輕如一葉而寒風逼人不可近性甚謙謹恂恂若書生其飲酒也至二三杯即面赤目紅頰然而卧鼾聲如虎驚座間稍頃醒氣爽神清無論酒之醇漓杯滿即乾初無留滯縱飲或通宵步履語言依然故我未嘗見其醉也見聽雨軒筆記

南鉞冀龍薛景梅皆業木工技臻精妙嘗共造段村玄帝廟鑿駕一座分爲正殿拜殿牌坊柱繞袞龍壁雕山水雲樹人物又儀仗十八具曰金瓜曰金梨曰月斧曰朝天蹬曰火焰槍曰火焰戟曰大刀曰扇曰迴龍各一雙皆繞以雲龍備極工巧自雍正三年開工至九年始竣後小有損壞木工張士德修之年餘弗成王某嗣修之又年餘仍未曲肖其工巧絕倫可以想見

文紹棠字化南邑諸生小癡弟子工山水花鳥得徐黃大意

衛自權字心裁號杏圃邑諸生善草書合孟津板橋爲一家墨蘭尤妙

周象離字位中邑諸生工篆刻四體書均入超妙

譚炳字虎文書法得過庭神髓勝書不雕不琢氣韻天然

賈萬程字凌九布衣善山水墨蓮尤勝工寫真

杜來銳字晉之書法清臣畫宗海嶽

趙良玉字炳南邑諸生勝書魄力沈雄筆可屈鐵

郭雲燦字瑞五邑貢生善花鳥工草書得其祖河上老人家法詞章之外兼邃醫學

衛家駮字良五布衣畫宗元暉花卉亦瀟灑不羣

衛獻璞字質齋靜瀾中丞之姪繪事雅澹字追魯公惜早卒傳世者少

王精一字子中精眼科光緒初年在京考取太醫院吏目名著一時

王清一字子澂邑庠生賦性靈敏勤學好問於經史諸書一見能解嘗師事邑人郭祥棣武陟王少白後因鄉試不第家居教授生徒遇家貧者不受脩金且更解囊相助工篆書課讀之餘兼習岐

新編縣志卷六  
六  
黃治傷寒瘟疫獨探仲景奧旨尤精眼科與其兒子中齊名診病三十餘年活人無算

周純字文顯邑諸生工書子承烈字仿武亦諸生紹衣家學並有盛名

暢國楨字幹鄉城內北街人精外科懸壺夷門馳譽士大夫間遇險症多奏奇功且於寒素之家賑禮藥值毫無所取鄉里尤感佩之子金鏞字鐵笙庠生性情和平善丹青工篆刻得枚公家法年逾三十而卒

王增香字華亭翟坡人精岐黃業用藥調引多非時醫所能及北至京邸南至申江到處歡迎著手成春洵一時國手

范希元字紹莘庠生研究性理之學頗有心得而著述不以示人敦敏好義樂善不倦咸同間捻匪擾境所有殉難男婦數百人皆

經其採訪彙報蒙獎恤崇祀各祠人尤感之嗣慕堪輿家言遂習其術所過山川邱隴必流連審睇之談風水處亦輒驗遠近士大夫家卜宅兆域多延審擇指定而堪輿之名以著年八十餘卒

趙修身字道純少業儒屢試未售遂隱於醫而於小兒花痘及瘟疹白喉等症尤精遠近延請者踵相接嘗云小兒科逆症不可治順症不必治所治者惟險症耳世俗庸醫每護症賣藥不顧人之死活最爲可恨故終其身無藉醫求利事人咸敬服弟昶清子繼華亦世其業有盛名

魏琳世居趙村初業儒三十餘年未就乃棄儒習醫診脈論病能定人生死一時稱爲扁鵲復生知縣祝壇舉爲醫官

孟增河字時清精針灸日以針灸濟世從衆索謝手抄針灸兩卷今皆遺失嘗言針必有手法復繼以灸可期速愈如頑麻等冷症

新編東坡志卷六  
用燒山火法風痰壅盛等症用透天涼法瘰癧等症用留氣法膈氣等症用子午搗臼法疼痛等症用龍虎交戰法赤眼等症用龍虎交騰法其手法之精可以想見

陳僕字溧陽性剛篤學幼時僅一應童子試即抱道自重專攻醫術明天地運氣五行之道通臟腑經絡之精微以藥室爲生涯子錦塘繼其業視病如神孫杞績學好博覽亦精岐黃克承先志相傳爲三世名醫云

陳紹虞字舜卿性剛直專術數善察陰陽五行之氣預知晴雨旱澇嘗評人之貴賤洞悉病源並未來事手繪五運六氣詳圖剞作奇門全圖彙集成帙藏於家

趙繼賢字敬齋增廣生居大家店善數學精研易理決人休咎占無不應一時同道君子造廬請謁者門常如市人咸稱爲君平後

身臨終以六爻自占因訣家人曰吾命盡矣午刻當死速爲吾治喪具家人不之信至午果然

朱秉鈞字道遠幼聰慧惟不好舉業日習岐黃孜孜不倦嘗曰救人一命勝造七級浮屠若吾輩者何必沾沾於八股貌爲儒生實欲藉之以邀祿也嗣果通醫活人甚衆時稱國手

王道全字資治號蘆溪歲貢生居店後營善草書筆波老幹力透紙背晚年行草尤覺逸興遄飛嗜書者咸寶重之

朱銖字銘也精於支干孤虛旺相之說尤善於醫針灸藥餌所投必效人擬之華佗仲景

段休徵字逸泉庠生筆法秀潤大小咸宜所謂出入逸少兼杜如晦之適媚者足當無愧

杜常愷字樂菴庠生書法魯公乘興落筆圓轉自如所書碑碣誌



銘指不勝屈

杜蓮生字小珊蓉珊長子工大小書法兼善篆隸晚年益精

尙萬成楊家崗人性好讀書以家貧不能備脩脯禮年十八父母相繼歿家道益貧嚮學益篤時有李先生設教鄉閭每值風雨不能力農畝輒攜書具從之讀冬春諸生上夜課君則篝燈往從肄習每至夜分晝則躬耕隴上猶時時背誦默繹不稍輟如是者數年諸生所未領悟而君一過了了先生益愛之樂與講論故君雖不克專力於學而心地明澈義理精邃凡所言論靡不津津有味雖老師耆宿與之談不知其幼年失學也及壯益潛心於禩學凡醫卜算數拳技之術殫心研究皆能言其奧窔有就正者曰授指畫必使聞者有會於心而後已尤精於堪輿凡古今瑩兆無遠邇身歷其地必周覽其形勢詳其得失決其盛衰無毫髮爽以故人

爭聘致之然君雖以風水爲標準而尤必以心田爲依歸蓋其所  
重在本不在末也與世俗之假禍福以炫人弋利者大相逕庭矣  
性平和爽直善言解紛爲鄉里所依重人有爭端多就質之是非  
曲直得君一言立解壽九十有四歿之日聞者莫不悼惜

張化山義興庄人素精拳藝勇敵百人村中少年多師事之然不  
輕一試年屆八旬黑髮童顏光緒辛丑德宗西狩回鑾道經豫北  
趨至延邑謁駕道左帝觀其魁梧竒偉問何業以習拳對蒙賜銀  
牌一面上鑄御賞耆民四字鄉里榮之

茹祥春後辛庄人父元以醫著名祥春業儒並習岐黃兼內外科  
克紹箕裘世家名門多延請之而著手成春奏效如神一時稱良  
醫焉邑人以妙宗元化匾其門

王元舫字鑑塘家貧好讀書不屑屑於帖括以丹青自娛仕女仿

錢吉生花鳥撫孫子書秀韻天成名噪一時性傲岸雖甕生塵不  
因人熱同人憫其窮代標潤格爲衣食資非其志也四壁蕭然書  
具之外無長物其安貧樂道者歟年五十八卒尺絹片楮人爭藏  
之

新鄉縣續志

人物傳下

僑寓

新鄉爲水陸通衢久稱繁盛各省仕商游處其間者恒不乏人然能以道德品學才名著者甚鮮舊志僑寓僅數輩耳茲經博採周咨得數人焉約畧志之以見德行道藝之足錄其節烈有足稱者亦附之以顯不以非土著而擯之也

林清閩人無妻子嘉道間僑寓於新莫知所自來學問淹通行止不苟當時士大夫咸敬重之多遣子弟就之學嘗有聯云行有私瞞不過己未怕對天對地對神明先怕對己士無恥成不得人漫說爲聖爲賢爲豪傑且說爲人邑人衛大申書之楹間其刻勵可以想見卒葬於西門外獨眼橋側官紳爲立石以誌

鮑維傑山東臨淄人器宇寬宏慷慨好義經商新邑者久同治六年冬捻匪張總愚竄擾茲土焚掠殊甚次年春復回窺鄉民聞警倉猝入城無所得食饑餓載途有三五日不舉火者公憫之出米數百石託邑人郭瑣李成章及山西人賈承恩分設粥廠四處每日就食者不下八千人時偃師商人段杞梓慕其義亦捐米數千石佐之事平乃止兩旬之間鄉民得免餓殍皆兩君賜也而郭瑣等亦與有勞焉邑人郭祥瑞嘗爲文記其事

查凌漢字鐵青天津貢生從事鹽業僑寓於新工詩善草隸水墨牡丹着色金魚尤能突過前人名噪一時

張君培同治間來尉斯邑其夫人某氏工書畫寫意菊竹老氣橫秋逼近陳南樓閨秀畫傳軼名未錄

朱貫一字子陽山西平陽人幼失怙恃不得於伯叔走奉天興京

從二龍山寺師呂道者受醫學地理諸學呂道歿以山左栖霞爲  
樂土往寓焉蓋平友人孫相宸病危活之孫任河南汜水偕往孫  
父歿爲卜塋兆渡河而北因購室河屯村衣食悉由孫供給嘗遊  
汲新間爲人診方脉相宅兆有所酬則悉以濟人無少蓄君生平  
重義氣肝膽照人有古俠士風民國五年卒年六十有二塋於新  
北尙全古村

董青山字翠峯一字麗生汲縣布衣善丹青爲齋館上賓在新數  
年山水師梅壑人物士女宗年少傳真尤工通音樂跌宕自豪才  
士也光緒三年大祓家人殆盡隻身游汴畫名錚錚惟性情古傲  
非其人雖片雲碎錦不易得後以窮終

趙光奎字子聚延津庠生父榮袞爲河朔儒醫奎因科第未就改  
習岐黃寓新有年闡長沙之精義得靈素之真傳凡所診治著手

成春內科而外擅長針灸子國梁亦世其業

邱園字賁于黃陂布衣橐筆來新有年書法孟津畫仿治梅到得意處可以亂真五彩花鳥猶其餘事惜中年而卒

葛烈女順天寧河人父培桂業鹽於新因寄寓焉女幼字磁州某家貧道遠不能迎娶故及笄未嫁迨父母俱亡有某甲窺其美謀鬻爲某氏妾女聞之遽服毒自盡時咸豐辛亥五月也新之官紳烈之擬請旌未果樞厝東關先農壇西偏年久零落棺亦損壞同治丁亥五月邑人范希元見而惻然約紳耆捐資就地塋之並旌以詩

葉大姑天津人通文墨工針黹守貞不字有終焉之志隨弟業鹽商僑寓於新幾二十年鬢髮皤皤然今六十餘歲矣弟歿與姊同撫幼弱街鄰婦女從學者衆

左忠楙安徽桐城人京漢火車貨捐局局長攜眷駐新妻潘氏系出名門素識大體尤樂爲慈善事民國六年夏霖雨連朝山洪暴發平原水深數尺西車站濱河諸村盡成澤國號饑露處慘不忍觀左適因公赴鄭氏亟遣人購米煮粥散放急賑數日全活甚多嗣左自鄭歸縣知事何賀雨擬上其事請旌不受



新編縣志元名ノ

三

新鄉縣續志

列女傳

史載列女傳豈止傳節孝哉舊志列女則皆以節孝著而於母儀女範之足稱者未加采輯豈當時之鮮其人耶想所注重者在是耳竊謂宜仿漢書列女傳例凡女之懿行嘉言足以垂壺範昭彤史者皆采輯之勿令就湮則女德著而人倫正其有裨於世教者多矣

節孝

生員郭培容妻趙氏幼嫻內則賦性柔嘉夫故即欲舍生成仁以舅姑在堂未能如志操勁松筠行清玉雪苦節五十三年卒年七十九歲乾隆十四年請旌

生員楊勳妻遺其姓氏生而婉淑結褵三載夫亡孝事翁姑婦道

克兼子道教養嗣子慈親不啻嚴親膏沐絕施冰霜自勵者五十餘年

史克智妾楊氏年十九夫亡守節孝事翁姑愛嫡女如己出撫孤成立入太學

生員馬誠身妾魏氏年十四父母欲售之觀者爭出重資氏曰有願養吾親者吾從之不屑價也父母強之破面流血以自誓馬生聞而義之養其父母遂歸焉生病革欲令改適氏曰養吾父母者願報以死生歿縊於柩側知縣趙廷鼎匾以旌之

生員張資灝妾趙氏年二十七夫亡無子苦節四十餘年

生員張資瀛妾崔氏年二十七夫亡與嫡楊氏同心勵節孝姑撫孤守節四十餘年

王維光妾崔氏青年夫亡無子守節四十餘年

生員孟樹忠司馬人妻侯氏乾隆四十年請旌匾曰節勁松筠

太學生孟炳煥司馬人妻任氏乾隆四十年邑儒學以苦節重肅表其門

張信公村人繼室高氏幼嫻母教曉大義結褵十載夫故悲痛過度死而復生敬事翁姑甘旨未嘗有缺撫育孤子教以義方俾克成立卒年五十四閭里敬之

張守先妻曹氏生有淑德性極莊嚴于歸二載夫歿氏年二十一歲姑早逝翁近七旬家赤貧子永壽未週月內無扶助之侶外無切近之親上事衰翁朝夕弗懈下撫孤子貞心如鐵及翁故喪祭無遺憾公論允拾守節六十三年邑人黃天一等爲之請旌

趙思曾大家店人妻黃氏十五于歸家貧以紡績度日二十四歲夫故水漿不入口者數日自念二老無人侍奉子幼正待教養死

節尚矣如孝慈何遂矢志靡他翁姑病湯藥親嘗及卒喪葬盡禮  
教子名新名親成立孫曾儒業者能貢成均入邑庠守節五十二  
年道光八年請旌立坊表曰克全節孝

張淮耀妻孔氏生本名門幼嫻女訓乾隆三十年于歸和氣洽於  
家庭賢聲著於戚黨五年夫歿痛失所天姑閻氏已七旬子君翼  
甫週歲養生送死艱苦備嘗孀居五十一年大節丕著

馬禧城內西街人妻王氏年十八于歸夫病瘵未匝月即歿氏守  
志歷五十餘年鬢髮猶如墨色道光己酉旌表節孝

張三英妻趙氏結褵八載夫故氏二十七歲苦節四十八年同治  
四年旌表匾曰玉潔冰清

朱燮齊繼室馬氏性至孝以生父母年老無子賴氏奉養誓送死  
安葬然後擇配至二十五歲服闋始賦于歸三年而孀痛定自省

上有翁姑下有幼女遂矢志靡他取堂姪顯增承宗祧翁姑先後  
溘逝氏盡禮盡哀竭力營葬鄉黨稱孝卒年八十九歲

武生劉威妻王氏于歸十四載夫歿氏年二十八歲至道光二十  
八年年六十歲卒同治五年奉旨以志堅金石旌其廬

苗朝宗苗庄人妻李氏道光六年于歸夫歿氏年二十一歲孝事  
翁姑取姪棟爲嗣恩勤備至不異所生聞者賢之守節五十六年  
原玉巔妻王氏道光二十一年于歸結褵未及一載夫故氏年二  
十一歲守節四十五年

生員杜夢來小冀人妻馮氏十七歲于歸本儒家女嫻閨訓能得  
堂上歡二載夫歿欲以身殉以翁姑存不敢造次取堂姪世鼎爲  
嗣教之入邑庠奉養翁姑皆年逾八旬而歿養生送死兩無遺憾  
道光二十六年邑人白澗等爲請旌表

王文明妻曹氏青年矢志同治四年年六十六歲卒守節四十四年

王增益陳堡人妻郭氏十八歲于歸七載夫歿甘旨奉親糟糠自嚼嗣子銘常視如已出教養兼施克振家聲苦節四十餘年間里敬之

王銘常妻文氏結褵未及百日夫歿氏二十二歲取堂兒銘心子樹功爲嗣撫育過於所生上慰孀姑之心下延亡夫之祀養生送死無憾一門兩節有陶孟遺風

張國廉春庄人妻李氏秉性溫柔鄉里稱其淑德道光十年而孀遺孤敬賢甫五歲氏訓之嚴能承母志孝奉翁姑當翁病時值捻匪擾境羣賊猝入其室氏端坐床側謂捻匪曰衣服器物任爾取攜望勿驚吾老病之人一賊呼曰此孝婦也傷之天地不容相率

而去處危疑震撼之際羣賊如毛置生死於不顧豈尋常所可及哉年八旬餘卒縣令魯恒祥以賢孝可風額其門

李玉成北街人妻宋氏十七于歸二十九歲夫故茅屋數椽瘠田數畝饔飧不繼佐以針黹長子十一歲次五歲三週齡茹蘗含冰皆撫之成人年八十一歲卒其長孫雲杞丁酉拔貢三孫雲楠入庠大以爲苦節之報云

郭祥標北街人妻支氏守節五十二年同治十一年知縣孔廣電以柏舟遺風旌其門

汪登林小冀人妻白氏守節五十年

孫得花妻李氏守節三十七年

呂孔連妻郭氏守節三十四年

李廷元朗公廟人妻張氏二十九歲夫歿無子誓守節夫屍廷仁



新苑縣志卷六  
廷義析居爭產激不能平氏持已產以讓廷仁後廷仁喪妻子甫  
五歲女在襁褓中氏撫如已出恩恤甚至遂以所撫子女爲子女  
戚黨咸敬重之

杜世傑康庄人妻閻氏十七歲于歸一載夫歿氏篤守貞節矢志  
靡他常手植松柏以表苦心取堂姪常林承祀延師授讀擇配延  
宗卒年九十四歲洵巾幗中所罕見者

杜士林小冀鎮人妻閻氏十九歲于歸二年夫歿氏以柏舟自比  
守節甚苦

祖名鼎七里管人妻董氏合昏之夕名鼎已抱沉疴百餘日卒氏  
悲痛引決賴家人解勸而止遂移榻就姑舍飲食抑搔孝養備至  
有弟七齡有妹三歲保抱提攜恩勤有加鄉里稱之守節六十年  
無閒言

張文昭朗公廟人妻賀氏于歸後夫積病五六年侍奉湯藥始終罔懈年二十九夫歿撫兒子爲子事翁姑惟謹後翁逝姑九十餘歲昏耄如嬰兒氏昕夕扶持益加敬慎處娣姒雍睦無閒言邑人王安瀾採奏奉旌入祠卒年七十有三

王克遂東郭人妻汪氏十九于歸事翁姑至孝同治十一年夫故含辛茹苦曲慰親心氏無出夫兄僅一子未及取嗣夫兄又病故親老姪幼家益窘然事畜各盡其道翁姑歿哭之哀鄰里皆爲感泣

李清泰油房堤人妻閻氏二十歲夫歿遺一女又殤痛欲殉賴家人苦勸乃已事繼姑善繼姑所出子女各一將死執氏手曰吾病不起所遺子女將累汝矣氏泣而應之躬自鞠養賴以成立光緒丁酉旌表節孝年七十五歲卒立嗣子廷侯

趙謹城內人妻陳氏年十七于歸二十一歲夫歿遺孤甫週歲艱苦自勵撫養成立卒年八十有八

李應乾城內人妻宋氏二十七歲夫歿苦守撫遺孤福運成立年七十有五卒

張天順朗公廟人妾朱氏二十五歲天順夫婦相繼歿遺孤方數月族中惡少欲逼嫁而奪其產深夜踰牆敲門擊窗氏狂詈乃去因每日夕即堅扃其戶枕畔置利刃徹夜不滅燭以防如是者十餘年子漸長大乃已卒年四十九歲

許景塘許庄人妻張氏十七于歸夫歿年二十四歲家徒四壁矢志不移紡績度日雖累日不舉火處之晏如守節四十餘年

馬欲立妻許氏同治十年于歸夫故年二十五歲針指生活數十年節孝雙高一鄉無異辭

周永裕東街人妻郭氏于歸七載夫歿無子氏痛不欲生以家人防範嚴烈志未遂取姪光耀爲嗣光緒初年翁姑相繼逝氏經營喪葬哀毀幾死訓子入泮早世復教孫之翰以繼書香苦節四十餘年間里仰之

崔玉琦妻李氏于歸三載玉琦陣亡氏年二十三矢志苦守立嗣延宗針指度日人無閒言卒年七十六歲

杜福成西街人妻王氏十九于歸福成病瘵兩人挽之勉強成禮日侍湯藥逾年竟卒而氏孝事孀姑茹苦含辛卒全其節

李含香繼室程氏十九歲于歸孝事舅姑撫前室子錫祉如己出二十一歲夫故撫棺大痛求速死旋以親老子幼節哀守志剪髮一縷斷左手一指殉葬以明志子錫祉遊泮翁姑歿哀毀逾常年

六十三卒

史紀隆北關人妻張氏十九歲夫歿痛欲殉家人防閑密不獲死有弟尙幼冀成人爲夫立嗣孝事翁姑有賢名及夫弟漸長不守禮法氏慨然曰未亡人所以不死者待爾有子爲亡夫立嗣耳今若此復何望歸室自經死年二十七歲

生員李尊榮張固城人妻王氏結褵七載夫故氏年二十五上事孀姑賴紡績供甘旨爲兩姪娶妻生子備嘗艱苦卒年五十有五親族賢之奉旌表

李欣榮孟家營人妻郭氏于歸三載夫歿遺一女氏年二十一欲殉節繼念上無伯叔下鮮兄弟徒死無益乃爲父復娶連生二弟翁患癱六七年支離床褥氏躬親扶持累年不倦卒年五十四苦節純孝兩無遺憾

段玉峯北關人妻龔氏二十歲于歸五載夫歿逾月遺腹生男鴻

儒氏日夜紡績上事翁姑下撫雛兒荻畫冰心賴以成立光緒己酉拔貢卒年六十一歲

路時平路庄人繼室邵氏孝慈和睦宗族無閒言乃未期年而夫歿又未幾而遺孤亦殤氏曰此吾畢命時也遂於塋夫之次日自盡從容就義視死如歸有足多焉

牛鐸北關人妻趙氏十七于歸二十五歲夫歿孤子漢星甫五歲翁年六旬患癱疾氏侍奉左右十四月之久湯藥親調不辭勞瘁教孤入庠家清貧并日而炊處之泰然卒年六十有六

龔文錦塊村營人妻馬氏二十歲于歸事孀姑以孝聞二年夫故遺一女家赤貧以紡績爲生活獨居輒飲泣對姑時必言笑如常以博歡心姑歿痛絕復生竭針指所積以給喪守節五十一年

王鳳崗合河人妻張氏二十五歲夫歿氏以首觸棺不欲苟活衆

新苑縣志卷之六  
勸以義乃勵志守節事雙親至孝撫遺孤極慈翁姑卒附身附棺  
無在不謹人稱其賢

王烈侯孟家營人妻申氏秉性溫柔于歸七載夫業儒不得志抑鬱而死遺一女氏義不獨生賴伯母諸嫂慰解孝翁姑和妯娌操持家政尤井井有條年六十二卒光緒二十九年奉旌表

馬朱氏北原庄馬殿元妻

王劉氏東高村王問臣妻

傅張氏秦村營傅成舉妻

田岳氏城內西街田林妻年十九夫歿守節五十餘年奉旌入祠

郭李氏棗焙村郭祥周妻

王臧氏李庄王體臣妻

李梁氏豆腐營李九順妻

張章氏西河村張守一妻

侯孔氏馬唐馬侯廷聘妻

魏劉氏趙村廩生魏觀成妻

張段氏李台張世明妻

姬李氏石碑姬福隆妻

傅王氏秦村營傅殿珠妻

李劉氏劉店李錫山妻

劉馬氏西寺劉傳統妻

許茹氏許庄許養性妻

孔侯氏八里營孔廣邦妻

趙九河八里營人妻孔氏年二十六夫歿貧苦守節孝事翁姑供養悉出針指閒教子思清入庠卒年七十有八邑令孔旌以節孝



雙全匾額

鄒李氏南高村鄒志勤妻

梁呂氏高村梁慶祥妻

白田氏城西庄白貴妻

趙陳氏趙庄趙游妻守貞二十八年

王呂氏寺上村王長興妻二十一歲夫亡守節三十二年

趙張氏趙庄趙鶴年妻

趙郭氏趙庄趙汝槐妻

苗張氏河頭苗瑾妻守節四十六年

苗劉氏河頭苗魁元妻守節三十六年

苗屈氏河頭苗天墀妻

岳王氏城內岳自明妻守節四十一年

蘇蔡氏蘇惠璧妻守節四十九年

李朱氏李雲錦妻守節四十年

呂李氏呂瑞妻

呂閻氏呂謙妻守節四十三年

苗王氏河頭武生苗同性妻

苗蘧氏河頭苗應時妻

李許氏李唐馬李九錫妻守節三十二年

苗翟氏東河頭苗文魁妻守節三十年

李王氏板廠李楨妻守節三十七年

苗穆氏河頭苗有檀妻守節五十一年

苗傅氏河頭苗玉妻守節四十六年

苗牛氏河頭苗來妻守節四十五年

周相君周王庄人妻苗氏二十九歲夫歿守志撤環養親教子庭  
芳庭桂有義方卒年六十三歲道光間請旌入祠

馮趙氏河頭馮瑗妻

郃陳氏中召郃樹屏妻

陳劉氏城南庄陳旺妻青年守節享壽八十八歲奉旌入祠

劉丁氏七里營劉祥麟妻

杜皇甫氏小冀鎮杜來嶽妻

魏琇趙村人妻徐氏二十三歲夫亡遺一女守節四十餘年同治  
間奉旌表柏操松齡入節孝祠

王張氏王庄王超凡妻

李丁氏東王村李兆鳳妻

王嘉兆聶庄人妻馬氏二十五歲夫故守節四十餘年撫孤壻親

教子庭金成立奉旌表苦節可貞

楊汝芳西營人繼室孫氏二十四歲于歸六閱月而夫歿散髮麻衣痛不欲生念前室遺子僅數月呱呱啼聲實愴於心因守志撫孤如親生子亦忘其爲繼母卒年五十有九鄉里美其節以柏操松齡額其門

杜繼展小冀人布政司經歷故後側室蘇氏矢志靡他署縣事謝益爲書節懍冰霜額旌之

孔牛氏八里營孔昭德妻

段司氏小冀鎮段名良妻

杜李氏小冀鎮杜常祿妻

杜王氏小冀鎮杜來凌妻

朱侯氏大宋佛朱夢魁妻

門  
禮傅氏塊村營祁玉芝妻守節三十二年奉旨以節孝雙高旌其

傅李氏秦村營傅成士妻

祁李氏塊村營祁玉林妻

石高氏塊村營石文成妻守節四十六年

邑人張時中石高氏節孝褒榮文伏以松柏有盟金石不變物  
懷貞而勵節人履險而如平皆芸生之鍾鑄所希而桐茂之菁  
英所萃也况以閨門弱質斗室闕觀耳未聞麟史之文目不覩  
蟲書之紀而欲其寶同珠玉清比冰霜求之於今殊難其匹茲  
有新邑西北鄉塊村營石門高氏係輝邑姬家寨高公克儉之  
女幼孀姆教長習姜勞祥分寶髮之輝生託素雲之庇及笄後  
適石文成以主內政米鹽必檢時提桓少之瓶并日親操虔舉

孟光之案椿闈克盡婦禮萱室頻霽慈顏姻鄰共頌其應侯戚  
晚咸歌夫淑慎於嘉慶二十五年令德來教至道光五年遂喪  
所天殘幃既卽於淒涼御琴亦忘其靜好挺生蘭蕙之性瘁於  
秋霜慘調雁鷺之羹慰此晚景是時氏年方二十二歲家貧子  
幼舅老姑衰撤盡環簪載奉先生之饌畫殘荻草用傳稚子之  
經事二老幾歷歲年撫孤兒不惰昕夕享壽六十有二歲守節  
四十有六年衆族咸念氏有孝愛之誠矢堅貞之操恐其淹沒  
而不彰也合詞上請恭承帝賚闈身後之幽光榮煥鄉閭樹來  
茲之懿則同井紳耆偕來問序奉命爲文余學殖就荒何足以  
揚徽美而述聽已熟姑藉以發幽潛異日者輶軒采風貞節待  
編諸惇史縱總垂範純孝擬祀於神祠敢竭鄙誠用揚懿德

馮邵氏河頭馮永安妻

邢馬氏河頭邢永和妻

孟李氏司馬孟培振妻于歸三載夫歿遺一女又殤欲以身殉墜穴者三烈志未遂撫嗣子如已出躬紡績操家政不辭勞苦數十年如一日卒年七十二歲奉旌表

原賈氏原堤原廷揚妻

孟郭氏司馬孟丙辰妻

孟趙氏司馬孟錫河妻

劉黃氏秦村營劉永順妻

董李氏城內東街董梁妻

徐陳氏南翟坡徐百順妻

張茹氏茹岡張鈇妻守節五十年

張崔氏張王庄張天禮妻守節五十二年

張楊氏北張門張日增妻守節四十三年

司張氏岡頭司日平妻守節六十年

劉趙氏東張門劉金花妻守節三十七年

王德明任家庄人妻張氏年十七夫歿無子食貧守貞紡織餬口積蓄置地數十畝取姪三元承嗣壽七十卒奉旌表

李來竹野虎林人妻高氏十七于歸夫歿遺三子一女家貧如洗氏悲痛餘生日夜紡績辛勞備至撫養子女成立從未嘗以貧苦告人守節三十五年卒子應雷請旌入節孝祠

王福南栗庄人妻武氏十九于歸二載夫歿守節五十九年

徐天興南翟坡人妻和氏二十九歲夫故家貧備極勤劬孝親睦族教子延祀守節六十年

潘蘊珍妻王氏守節四十三年



李安全妻姜氏守節三十八年

王文蔚妻張氏守節四十三年

岳復泰壇後村人妻張氏本儒家女貞節性成翁姑在堂旨甘之奉罔不周至三年夫歿遺一子立志守節及翁姑棄世治喪葬盡禮盡哀一鄉皆稱賢孝守節四十餘年

李成柱馬方人妻雲氏十九于歸能執婦道二年夫歿遺子倫甫一歲翁姑在堂晝謹扶持夜勤紡績孝慈兼盡人咸稱之守節六十餘年

杜世廉小冀人繼室馬氏十九于歸五十餘日而夫歿含悲忍泣矢志行孝翁病腫年餘姑已八旬朝夕侍奉全賴氏力生養死葬備歷艱辛至今人猶稱之

閻鶴齡小冀人妻許氏于歸五載夫歿遺一女竭誠孝養不數年

翁故夫弟又早世姑患癱賴氏以活及歿邀族親爲亡夫及弟擇繼以行大事盡禮盡哀遠近褒美同治七年請旌額其門曰苦節可風

戚杜氏戚井戚大本妻

戚劉氏戚井戚大同妻

郭孟氏定國村郭兆炳妻

郭恩湛妻張氏年二十六夫亡撫孤永坤成立守節五十七年

茹紹堂小冀人妻千氏夫病焚香告天祈以身代及歿上有七旬祖母下有月餘孤兒紡績營生孝慈兼至祖姑逝竭力營葬舉措咸宜卒年五十有五

杜世剛梁庄人妻張氏十九于歸賦性貞靜事公姑以孝聞九年夫故水漿不入口者三日上事扶目之姑下撫幼稚之兒百般茹

新外縣志卷之六  
苦教子常春成立身列膠擗守節四十年

司茂林城內人妻呂氏二十三歲夫歿遺一子貧無以爲養氏痛  
司氏祀之將絕也誓不改適撫子成立卒年七十有四

呂福旺七里營人妻何氏十九子歸生子鈞璜三年夫歿家貧氏  
節衣縮食以事舅姑撫子成立卒年七十有七

郭王氏定國村生員郭師瑗妻

梁吳氏高村梁慶元妻

孫王氏小冀孫重英妻

韓劉氏八里營韓光粟妻

楊王氏楊屯楊德鳳妻

崔任氏八里營崔鴻壽妻

李陳氏孟家營李秋元妻

王蔣氏學後王鳳章妻

朱武增合河人妻張氏二十五歲夫亡無子翁失明姑患癱杖履賴以扶持取嗣延宗備嘗辛苦數十年節孝雙全了無遺憾光緒六年建坊入祠

朱燮體合河人妻張氏十九歲夫亡結褵僅半載痛悼哀毀死而復生守節奉親竭誠盡禮壽至七十九歲

朱學增合河人妻張氏二十九歲夫亡姑老子幼孝慈兼盡自甘荼苦卒年八十八歲邑侯以克紹壺儀顏其門

朱陳氏合河鎮朱文山妻

朱祁氏合河鎮朱燮倫妻二十二歲夫亡守節六十二年奉旌表節孝性成

朱允恭合河人妻孫氏十九子歸二年舉一子又明年而夫故遺

腹生女氏期以身殉轉念翁姑在堂子女幼弱仰事俯畜責於一身殉夫非志也乃飲冰茹蘖不使少失翁姑歡又教養兼施撫子女成立辛苦萬狀鄉人稱節孝焉子文增例貢生女適衛靜瀾中丞

許王氏許庄許鳳巢妻

王汪氏豆腐營王邑安妻

杜來壘小冀人妻劉氏十八于歸二十八歲夫歿守節四十餘年備歷艱辛戚里敬之

賈天平七里營人妻張氏家貧躬紡績佐夫備力奉養其翁二十七歲夫歿遺孤七齡家益窘氏矢志靡他上事翁下撫子守節五十餘年

杜來科小冀人妻陳氏十九歲于歸未幾夫歿將殉姑泣謂曰汝

夫不幸早世汝叔若娶而生子當先爲汝夫嗣倘不自愛獨不爲  
二老計乎氏乃飲泣誓守迨夫弟安來娶妻生子世湘而世湘之  
母又歿繼娶吳氏而安來又卒吳亦痛不欲生陳以姑所告者告  
吳由是二氏相憐甚事舅姑皆孝撫世湘極慈世湘既長入邑庠  
忽早逝遺孤常順常順既婚又卒遺孤僅數月二氏抱之泣曰蒼  
蒼者天獨不能爲杜氏延一纒乎因備加愛護光緒二十八年陳  
氏年七十四吳氏年五十三松筠雙節鄉里稱之

張大成大黃屯人妻侯氏二十四歲夫亡守節育子士宏士毅皆  
入庠卒年七十有七乾隆三十九年奉旌表匾其門曰操肅冰霜  
史安邦妻李氏二十六歲夫故養老慈幼宗族稱孝守節四十餘  
年

郭大志塊村營人妻李氏青年夫故家貧藉女紅度日匪石之心

經經不變卒年五十九歲

原玉泰妻陳氏守節四十二年

王寅亮東關人繼室馮氏二十九歲夫歿時繼姑在堂遺子相吉甫二歲氏矢志不移以紡織爲事畜教相吉入邑庠艱苦逾恒卒年七十有三

生員路耀塏東關人妻魏氏于歸九載而孀當夫病中嘗於密室祈禱願以身代夫歿氏痛不欲生又念二老難堪遺孤誰育遂立志守節孝義克完訓子紹敬入邑庠

生員張紹珂杏庄人妻杜氏于歸八載克盡婦道夫故氏年二十七親老子幼苦節自矢孝思不匱教子修榜讀不稍姑息光緒三年歲饑收養猶子修永娶妻生子人咸稱之卒年七十一歲

戚名山戚井人妻杜氏年二十五歲夫亡遺孤方七月呼天自誓

撫孤守節事翁姑孝紡織度日教子來福成立孫枝繁庶卒年八十九歲

薛岐芝大召營人妻程氏二十九歲夫亡遺子升階方三月氏不食二日翁姑以撫子綿祀勸未得身殉孝親敬長克勤克儉卒年七十有五民國八年奉旌表苦節純孝

張增法小宋佛人妻章氏守節四十餘年

臧永平營人妻李氏年二十四夫卒苦節四十餘年

路林妻苗氏十七于歸七年夫故姑雙失明遺子二歲事親教子兩無遺憾閭里賢之

司五常岡頭人妻原氏十六歲于歸德行淑貞伉儷甚篤三年夫故守志孝事翁姑親操井日內外無間言歷三十餘年卒

孟增禧孟家營人妻王氏十九于歸十年夫亡遺子二守節四十



七年

韓文清韓家窰人妻馬氏年十九夫故守節三十五年戶部員外郎宋淑信奏請建坊入祠

李照書苗塊村人妻張氏十九于歸二十六歲夫亡欲相從於地下念親老子幼乃舍經而權矢志靡他姑亡舅繼娶盧氏事奉不異所親咸豐七年繼姑病氏焚香求以身代八年元旦割已股肉治而進食病以漸愈家人不知也然姑覺味異心竊疑之病愈堅詢氏氏不能隱始白其事邑人公請旌表氏年八十五歲時長子和次子温年皆六十餘微有過失輒杖之其教之嚴如此又精小兒痘疹科醫治極效全活甚衆鄉里尤深德之

靳金堂楊村人繼室李氏十九于歸孝事翁姑五載夫歿前室子同太體弱不能匍匐氏愛如己出艱苦成立方冀支撐門戶爲娶

史氏五載而同太又歿遺孤玉和史亦誓守教子義方事姑定省  
惟謹節堅金石李氏卒年六十二史氏卒年五十四鄉里稱一門  
雙節云

梁金柱永安人妻劉氏二十三歲夫亡遺子延安家貧翁姑性嚴  
厲氏矢志不二養老撫孤卒能得其歡心年五十八歲卒孫曾繁  
衍家漸豐裕人稱賢孝之報

王殿鳳聶庄人妻丁氏夫歿氏二十六歲守節五十四年

武畧騎尉張照成塊村營人妻張氏割股行孝同治間學政歐陽  
葵請旌表入祠

張德池塊村營人妻韓氏二十一歲夫亡守節三十四年

王錫慶西街人繼室朱氏事姑孝撫前子女如親生夫歿七日吞  
金死人謂巾幗有烈丈夫風

王士標北街人妻周氏二十三歲夫亡遺腹生子照慶入泮孫紹庭亦有聲庠序氏八十三歲卒六十年茹苦含冰守節撫孤克享遐齡其德性堅定概可想見

武生王鵬王灣人同治間西捻竄擾被執不屈死妻范氏二十七歲罵賊不絕口將以身殉家人以撫孤勸止亮節冰心鄉里矜式卒年五十有四

楊奉先北三家庄人妻朱氏孝順翁姑和睦娣姒二十二歲夫歿遺腹生子栖鴻教養二十歲而亡飲冰泣血志不稍挫年六十九歲卒

茹大興茹家崗人妻高氏二十四歲夫亡無子柏舟誓志事翁姑以孝聞取從弟桂芬子來咨嗣飲食教誨茹已出及來咨入泮氏曰可以繼先志矣卒年六十有九

張修身王府庄人妻賈氏二十九歲夫亡守志子四長瀛賓教之入庠貞同金石節慄松柏卒年六十有二蒙裕撫吳學政奏准奉旌入祠

崔永虔大召營人妻杜氏家庭和睦人無閒言二十三歲夫故立志守節善事翁姑養生送死力任其艱年七十終旌表如例

崔振廷大召營人妻潘氏日用勤儉不事浮華年二十四夫故矢志靡他能得翁姑歡年八十餘卒旌表如例

穆守智八柳渡人妻荆氏年二十八夫歿遺孤甫四歲勉營喪葬以養老撫孤自矢過諸叔以下禮惠備至雖析居後每有異味必先奉姑卒年六十有九

儒童劉春池八柳渡人妻杜氏家貧嘗以針黹餘貲助夫應試年二十八夫歿守志取姪逢辰爲嗣時方襁褓加意撫恤曲事翁姑

人皆稱孝勤儉持家至老不倦

庠生田雨芳北街人妻孫氏性行和淑恭謹退讓二十八歲夫亡子慶豐幼氏苦節數十年事翁姑以孝聞娣姒三氏居其次獨以和平忍讓全家室之好析居後艱苦益甚督子慶豐勵志勤學入邑庠以繼書香卒年七十八歲

崔玉檢大召營人妻張氏二十九歲夫故守節五十年卒光緒二十六年旱荒捐穀二十石濟本村貧戶人皆德之奉旌表

魏宏儒任家庄人妻璩氏于歸數月夫歿守志取姪青雲爲嗣以節終

李敬成冷庄人妻王氏十九夫歿無子事翁姑至孝取姪國典爲嗣愛如己出守節六十餘年

于文南高村人妻趙氏年二十四夫亡遺孤廷秀孝事翁姑撫子

成立持家有法守節五十年卒

周多士南高村人妻牛氏二十三歲夫故守志不移事翁姑處妯娌人無閒言節孝雙全戚里稱羨年七十三無疾而終

王振伯南高村人妻張氏青年守節事舅姑以孝聞持家務以勤儉著卒年七十歲人咸哀之

盧德器水南營人妻姜氏夫亡氏立志守節四十餘年如一日今子孫衆多至百餘口人以爲貞節之報

王思義妻李氏二十三歲夫故有女無子誓守節撫女成人遣嫁後氏衆善奉行孜孜不倦卒年七十餘歲

田樹雲田小郭人妻朱氏事繼母以孝聞家貧夫亡氏艱苦守節撐持門戶不遺餘力繼母亟稱其孝鄉里化之年七十餘歲卒

武生張酉春茹岡人妻郝氏事翁姑以孝聞年二十九夫亡子冲

幼氏仰事俯畜備極艱劬未幾翁姑相繼歿氏經營喪葬如禮子壯授室生孫尊命尙在襁褓而冲又中殂氏與孀媳處恩愛周至若母女然老少孀居數十餘載撫孫尊命成立從無訾議之者卒年八十有六

王連城城南庄人繼室呂氏十九于歸數年連城以子不肖恒鬱鬱不樂氏曲慰之終不自解遂以病卒氏無出親視含殮撫棺痛哭血淚交縈登時氣絕竟不復蘇或謂先已服毒蓋矢從一之志而又苦無所依夫死之日已誓相從於地下矣

趙玉文段村人妻李氏年二十九歲夫故家貧井日親操守節事親備極艱辛二十八年始終如一鄉里無閒言

太學生張遠牧野村人妻吳氏性至孝姑久病不愈氏割股肉和湯以進竟獲痊鄉里旌其孝撫院提學賜以匾額純孝格天年七

十九歲卒

張河遠之孫妻郭氏幼讀女論語孝經列女傳通大義二十歲夫亡矢志守節撫嗣子成立事孀姑孝喪塋盡禮卒年六十六歲戚里賢之奉旌入祠

李耀榮劉庄營人妻金氏二十五歲夫故守節孝親子和甫潤甫尚幼撫育成立卒年六十歲

楊得貴楊街人妻段氏二十八歲夫亡無子賴紡績度日辛苦萬狀取孫希銀曾孫玉傑承嗣守節五十六年

張化海義興庄人妻章氏年十八于歸六載夫故性純孝善事翁姑撫遺子文學克振家聲守節四十一年

李希元東抬頭人妻曹氏二十八歲夫歿家甚貧孝翁姑操井臼不憚勞苦守節五十三年



李魁元東抬頭人妻韓氏年十九于歸溫厚和平事繼姑色養無違甚得歡心二十六歲夫歿於搶匪之亂入忠義祠無子女氏欲殉賴家人防閑密不得死取姪玉富爲嗣勵志松柏卒年七十有四

趙思泰八里營人妻郭氏年二十五夫亡祭告柩前卽以撫子綿祀自誓百般勤苦無怨言事親曲意承歡教子中吉入庠守節四十餘年內外無間

廩生衛獻琛北關人妻李氏夫歿遺三子鉛華悉屏不出戶庭每夫忌日必率子詣木主謂曰吾不從爾父卽逝者以有爾等相累耳其立志成人勿負遺命長延齡丁酉拔貢崧齡芳齡皆入庠光緒十七年卒

員外郎衛獻琮北關人妻孫氏生有淑德明大義十八歲于歸恪

守婦道能得翁姑歡事夫尤敬戒無違夫歿無子取胞姪芳齡爲嗣越日祭告柩前曰妾無所生以繼君後今君有子矣遂大痛觸棺而死者生取義閭者哀之

生員衛獻琨北關人妻劉氏年十九于歸有賢聲光緒五年夫故守節盡孝養之道姑病曾割臂和藥以進疾果瘳孝由天性懿德堪嘉光緒二十七年公請旌表奉旨建坊入祠

呂文燦東關人妻苗氏十八歲于歸二十歲夫亡遺腹生子香山賢孝明大義依從父錦標生活撫孤成立卒年七十有六光緒二十八年奉旌表

許洞源北街人妾馮氏光緒十八年許病卒氏哭之哀勺水不入口次早衰經仰藥以殉時年二十四其大婦以爲妾也尸諸門外鄰人曰此烈婦會當旌表何敢爾乃具棺殮與其夫同日塋觀者

咸太息焉

邑人田芸生書其事云邑人者許君洞源居城之北小街乏嗣畜妾馮氏年已及笄儼大婦威不獲近許嘗鬱鬱由是得疾卒方殮而其妾忽顏色慘變作岌岌狀察之知已仰藥矣大婦怒摔而出諸門適縣署某過而問之悉其狀白之魏子方邑侯飛飭其家具衣衾棺殮焉時余自山陽旋里聞而烈之旌以短章云鬚眉忍偷生臨難幾殉節噤彼一小星光芒並日月官不及請旌家不爲樹碣彤管寫貞魂綠珠堪比烈

生員孟汝嘉孟家營人妾范氏賦性賢淑讀書明大義事大婦極恭順從無疾言遽色大婦先逝家雖小康氏躬操井臼勤紡織不稍懈宣統二年夫歿無子時年二十九歲族人爭繼茲訟氏悲憤交集矢不苟活經營喪葬畢懷利刃自斷其喉以殉族里舉其事

大總統黎以心堅匪石榜其門

舉人郭宗模北街人妻袁氏二十九歲夫故欲以身殉念家貧親老拮据事奉備歷艱辛取胞弟宗椿子爲嗣守節三十年卒

舉人金耀祥東關人老且鰥子媳俱亡孫女皆幼妾王氏盡心撫養越六年耀祥病於鹿邑縣教諭任所氏割股肉煎湯以進病少減旬日而歿氏年二十五歲視殮畢乘夜仰藥以殉鹿邑知縣王豫徵信陽州知州謝盈霖等詳請旌表

儒童田芝生城內西街人妻劉氏生有淑德于歸之後孝翁姑和娣姒家人咸敬重之年二十三夫亡無子呼天搶地痛不欲生家人爲取姪文華爲嗣交相慰藉以節孝兩全勉之氏遂誓不歸甯問寢視膳朝夕承歡撫茲弟姪怡怡不怠至恭順其若兄若嫂恩勤其嗣子嗣孫尤非尋常所可及卒年五十一歲民國十一年同

鄉京官李時燦等呈請旌表奉大總統黎題額曰彤管揚芬

國會議員李時燦等呈請旌表文呈爲婦女節孝可風懇予頒給匾額以示褒揚恭呈仰祈鈞鑒事竊維國家特設褒揚之典凡有行誼卓絕不論男婦並荷題褒原所以策勵羣倫裨益風教意至美法至良也時燦等籍隸河南查有本省新鄉縣已故民婦劉氏係儒童田芝生之妻前湖北安陸府知府田芸生之弟婦現任侍從武官田文荃之孀母生長世族幼嫻禮教于歸之後善事翁姑和睦娣姒賢孝昭著戚族交稱年二十三歲夫亡無子呼天搶地痛不欲生家人爲取任文華爲嗣交相慰藉咸以節孝兩全勉之遂誓不歸甯問安視膳朝夕承歡撫茲嗣孤恩勤備至其天性純良內行敦篤實足以勵薄俗而有餘卒年五十一歲時燦等忝屬同鄉見聞較確值此世風日下禮法

凌夷之際如該婦之行誼殊衆誠未便聽其湮沒不彰謹合詞  
公同呈懇俯賜匾額以彰淑德而發幽光實爲公德兩便謹呈  
陳同心北關人妾崔氏幼鬻青樓陳見而憫之力贖之出稍長納  
以爲妾勤敏慈惠事主姑大婦極孝謹待嫡子女愛護周至戚族  
咸稱異之陳病歿視棺殮畢遂仰藥殉以小星而知大節柔弱質  
而抱貞心亦足以風矣

高子昭仁旺人妻任氏年二十一夫歿無子猝遭大故人恐難守  
氏則自安義命絕無怨尤孝順翁姑敬事兄嫂待姪男女皆有恩  
義年四十卒

馬清太三合村人妻劉氏年二十歲夫歿子甫數月翁姑早逝依  
叔生活孝事維謹紡績餘貲助子讀書苦節四十餘年卒以成立  
年六十九卒

王銘旂陳堡人妻苗氏生有至性二十六歲夫故朝夕悲泣勸慰莫釋逾年卒里人哀之呈請旌表如例

朱文奇合河人妻邢氏年二十一夫故親老子幼氏忍涕含悲養老撫孤備嘗艱苦年八十五卒奉旌表

朱俊安妻師氏幽閒貞靜年二十九夫故姑老且病遺孤方數歲氏節哀承歡織紉教子備極辛勤年七十餘卒

朱格妻趙氏生長名門精女紅通大義年二十夫亡無子取繼爲嗣曲慰雙親紡績資生以供甘旨典鬻簪珥力營喪葬艱苦備嘗年八十三歲卒奉旌表建坊入祠

朱挺秀妻閻氏年二十六夫故矢志養親貧而無怨并日親操艱苦百端若無事然年七十九歲卒

朱又善妻趙氏永康趙東堂女幼嫻姆訓深明大義年二十三卒

故雙親在堂無以爲養氏忍痛營塋上慰親心定省問視始終不  
渝年七十餘卒

鈕成章西營人妻張氏性幽靜有治內才年二十于歸越五月夫  
故悲痛欲絕廢寢食者數晝夜里巷閭之皆爲泣下謹守閨門孝  
事翁姑年逾不惑始經理家務出入田畝恒披星戴月其勤勞見  
稱於鄉人卒年七十二歲

黃士謙大宋佛人妻范氏二十九歲夫歿撫孤延祀守節五十一  
年

陳繡瑚城南庄人妻高氏夫歿氏年二十八守節五十三年

楊震西營人妻李氏年二十四夫故矢志冰霜能得翁姑歡姪男  
女皆善視之守節四十九年宗黨咸稱其德

儒童崔藍田西營人妻茹氏貞靜幽閒年二十一夫故氏終夜涕



泣哀毀過甚蒼梧痛淚滴竹成斑賴翁姑朝夕勸解哀稍舒節孝自持年四十四歲卒聞者哀之

儒童劉貴城內人妻王氏年二十五夫歿無子率娣等孝事翁姑勤儉持家取姪漢宗爲嗣守節四十四年卒

劉景伊北街人妻王氏生員王協中遺腹女也性至孝爲翁姑家人所重二十四歲夫歿四日不食家人勸之氏曰盡節容易守節難未亡人生未見父依孀母今又失所天復何望惟念翁姑尙在乃與孀伯母同室共誓柏舟越四年伯母卒氏亦抑鬱而死

陳萬鑑李村人妻王氏十八歲夫故矢志柏舟大節凜然卒於民國八年七十有四

呂子方七里營人妻夏氏十七歲于歸越二載夫故守節三十五年光緒間奉旌表

邑人夏奠川呂夏氏節孝碑序嗚呼我姑母之節高矣我姑母之心苦矣姑母生甫七齡我先王父奪錦公棄世隨我先父從龍公成人十七歲于歸呂門斯時我姑母祖舅姑與舅姑皆在堂姑母朝夕奉侍甚得親歡我姑丈子方君聰秀喜讀書搦管爲文如秉宿慧塾師以大成期之姑母事之謹未嘗齟齬人皆羨爲好門第焉孰意昊天不弔甫二載而我姑丈病故矣姑母一痛幾絕誓不欲生闔家苦勸乃稍寬而事翁姑益孝順同治二年東匪竄擾姑母適在我家避賊蓬首垢面自毀其容我先父遇之幾不相識賊亦未至旋聞本村寨垣不守合村衝賊避難徒行數十里姑母遂終日啼泣以不得扶翁姑越險爲恨六年余十三歲避捨匪亂寓其家幼穉不解事然親見我太婆依之如左右手焉家道殷盛一門六十餘口稱吾邑巨族姑母事

翁姑以孝處妯娌以和撫子姪以恩義長者憐而愛之幼者敬而畏之有非禮不敢使知多自檢束咸謂我姑母大有功於呂氏云光緒十九年余負笈都門次歲捷禮闈賈照赴浙假旋始知我姑母已於去秋棄世矣嗚呼痛哉姑母生於道光辛丑卒於光緒癸巳享年五十有三而守節者三十有五歲已未邑宰魏公子方採其事聞於朝奉旨旌表其嗣子書聲籌資勒石於墓予畧據其生平以爲序

儒童傳來賓城內臨川街人妻陳氏十七于歸幼嫻女兒語內則等書閒靜寡言執婦道維謹逾年夫歿氏以首觸棺願以身殉繼恐舅姑之過傷也乃已寂處輒飲泣而晨昏定省必愉色婉容以博歡心光緒二十四年姑病瀕危氏焚香祝天祈以身代夜和衣寢姑側竟無疾而逝而姑病尋愈時方二十二歲族黨哀之咸以

爲孝思所感召夫弟樹棠痛氏苦節竒行壽之貞珉用垂不朽民國五年戚友以純孝格天榜其門君子曰氏以殉夫之身易而爲代姑之身節孝兩全了無遺憾靈魂有知當含笑九泉矣

陳萬成李村人妻趙氏青年夫故僅遺一女家清貧守節五十餘年人無閒言

劉曰秀劉司馬人妻于氏年二十六夫亡無子弟夫婦亦早逝遺孤尚在孩提氏撫養不辭勞苦旋又早卒撫姪孫成立珍惜備至卒年七十有九

武童范歲元北三家庄人卒於晉省差次妻李氏年二十九家無恒產依姪岐山度日針指集資起夫櫬歸葬守節三十餘年卒

楊成鵬丁庄人妻杜氏姑失明賴氏扶持者數年光緒二年姑與成鵬相繼逝氏喪葬如禮遺子二貧乏不能自存抱幼攜長依小

冀母家度日時年二十七歲孝順父母友愛兄弟終溫且惠無間  
言教子一務農一經商皆克成立迄今子孫繩繩楊祀賴以不墜  
卒年七十有二

靳均朱召人繼室何氏二十三歲夫亡上有老母子方數月以紡  
織餬口奉姑教子百般茹苦克全節孝卒年七十有五

郝耀章張門人妻劉氏共城丹墀先生女嫻姆訓工針黹十七歲  
于歸數月夫歿氏痛哭幾絕誓殉節絕粒數日乘隙自縊皆以勸  
救不果死旋竊厨刀自刎遇救得不殊復飲鑛油未得下咽至此  
而家人防守益嚴亦自料無死法矣而志不渝宣統元年歸甯母  
家窺防護者倦潛出而投於河家人躡跡數日見有腿帶繫岸樹  
間沿河尋之至油房頭獲其屍面色猶如生焉既棺殮而合葬於  
塋忽旋風大作聲震林木沙石飛揚貞魂烈魄殆至此而得所歸

乎柏舟誓志之死靡他洵足以風矣

共城貢生王乾元詩云天生奇女年十七深閨姆教無不悉春  
風得意秋風悲嫁夫未幾夫即危夫死不忍妻獨生貞烈能令  
神鬼驚自刃自鴆並自縊幾番求死死無隙翁姑恐懼父母憂  
聊遣歸甯防護周誰知一夕婺星沈數奇烈女無處尋倉皇忽  
有噩耗至傳聞西河溺死事人生投河魂魄飛九泉應與夫同  
歸夫家母家同悲感昇屍痛哭魂莫返吁嗟乎人何在捐軀殉  
夫棺已蓋人生到此復何言只有芳名千古傳欲比曹娥苦尸  
浮水面人共數欲擬吳女烈身死江中難再得况復共姜祠宇  
新後先輝映邁等倫如此事何可滅擊節高歌悲欲絕人景烈  
女怨西河恨無精衛填其波聊憑蕪筆發潛德庶可使烈女懿  
型長輝耀於共山之旁泉源之側

王應功后王庄人妻任氏年二十于歸善事翁姑閱六載夫故子  
選三甫二歲教之成立守節五十五年

張化寶義興庄人妻子氏年二十于歸三年夫亡無子矢志不移  
取姪文貴承嗣鄉里賢之卒年七十有二

劉本寔劉庄營人妻董氏年二十二夫亡遺孤二長高年方數歲  
次貴年遺腹生時家貧甚氏矢志冰霜以紡績所獲奉親育子後  
遭光緒丁丑凶荒子已長命販襪糧取蠅頭利得免饑餓氏翁兄  
弟三人翁居長次三皆無子氏命高年承次門貴年承三門勤儉  
自持家道日裕孝親教子繼絕守貞內外無閒言能療瘡醫病收  
生鄉里德之年七十有八卒

楊富晏楊屯人妻杜氏進士杜世銘之曾孫女年二十三夫亡終  
日啼哭痛不欲生家人時防範之而矢志必從夫於地下越二年卒

自縊死

李清洛油房堤人妻趙氏副貢趙一揆之姑母二十七歲而婚無子以姪廷傑嗣爲娶孟氏越五年而廷傑卒時孟氏方二十三歲姑媳勵節伶仃孤苦備極艱辛光緒十八年又以姪孫國鈞承廷傑嗣趙氏年八十有一卒孟氏年五十有四卒一門雙節鄉里景仰翰林院編修王安瀾特書松筠並茂榜其門

馬庶均尙村人妻王氏年二十七歲夫亡氏痛不欲生家人防護稍疏竟投井以殉視死如歸可謂烈矣

冷德祿東新庄人妻徐氏仁厚端謹樸實耐勞年二十六夫歿子朝陽甫七歲姑張氏時已耄耄氏奉老撫孤紡績營生備歷艱苦教子成立始獲小康姑年百一十三歲病篤氏親侍湯藥衣不解帶者三閱月及歿喪葬如禮皆氏主持之孫三占仁占義占禮



占義業儒氏訓之尤嚴嘗以士貴實行相勸勉姪女適孔待如己出光緒三年歲荒孔母子五人依之十餘年諸甥成立始歸姪孫女適姚早逝子文粹甫二歲氏收育之如孔氏甥其仁厚有不可及者卒年百有八歲非至性過人曷克臻此鄉里至今猶稱羨焉生員孟汝璞孟家營人妻陳氏子歸之後家清貧汝璞患病數年醫藥甘旨皆賴氏之十指夫歿事親極孝守志堅貞飲冰茹蘗稱未亡人者十有三年卒事聞大總統黎以志潔行芳榜其門

賈長春臧家營人妻白氏二十七歲夫亡祖姑及姑皆早孀子三女一俱幼氏仰事俯畜忍痛含悲而志不渝苦節三十餘年鄉里咸稱贊之

史紀鳳妻梁氏十八歲于歸善事翁姑光緒三年歲荒與寡嫂武氏針指度日艱苦萬狀二十四歲夫故遺子贊育尚幼翁姑卒一

切喪葬之資皆告貸親鄰矢志柏舟數年而歿一門雙節負平尚矣

楊金岑朱召人妻焦氏性沉毅二十六歲夫歿事翁姑及夫兄恪盡其道教子鳳翔成立守節三十餘年

姜寶壽姜圪墻人妻金氏年十九于歸寶壽病甚俗有喜衝之說嫂姑愛子情切強爲婚娶氏入門卽事病夫煎藥侍食卒未瘳氏痛不欲生繼念孀姑不忍棄去因盡碎諸奩具衣履皆深黑色嘗躬浣田間作勞苦往來道路目不旁睨奉姑十餘年飲食起居必勤必敬民國十年病篤尙以立嗣爲念視孀姑無依淚涔涔下卒年三十八歲

衛榮照北關人妻王氏十八歲于歸孝事翁姑并日親操光緒二十六年夫疾氏奉湯藥衣不解帶者月餘而病竟不起氏痛極思

殉絕粒數日時長子獻璠五歲次子獻璵二歲翁姑以幼孤無人  
撫養勸乃復食然輒欲自盡淚常盈眶秋八月氏忽遭疾拒卻醫  
藥不數日一慟而亡距榮照死僅三月時年二十有九

楊景山朱召人妻趙氏幼孀內則深明大義年二十七夫亡遺孤  
金釧氏誓守節上事翁姑下撫孤兒孝慈兼盡人無閒言金釧早  
歲入郡庠氏年四十九歲卒

王瑞福王門人妻楊氏二十三歲夫歿遺腹生子純家貧力田養  
老撫孤艱苦萬狀無怨言守節五十餘年

廩生孟汝珍孟家營人妻張氏年十九于歸汝珍以績學致疾委  
頓床榻者五年氏日侍湯藥每焚香祝天願減己算以益夫壽夫  
歿氏年二十七事親至孝取姪爲嗣教導極嚴守節四十餘年抱  
璞完貞家道亦賴以不墜事聞大總統黎旌以松筠勵節匾額並

獎黃綬銀質褒章

游芸生北關人妻岳氏年二十五歲夫故遺子兩田方六齡氏憤不欲生舉家以孤子無依爲勸遂矢志守節孝慈兼盡人無閒言兩田既孤其祖孀愛甚氏急令就塾少怠卽督責之年甫弱冠以郡首入邑庠氏猶勤於針黹每夜分不倦或勸其節勞氏曰此婦女本分何勞之有守節四十餘年孫曾繞膝人以爲苦節之報劉登鑑朱召人妻李氏二十七歲夫亡勁節自勵尤勤於紡績晝夜不倦取姪永全爲子卒年八十有四

李殿華小里村人妻郭氏二十四歲夫故生一女甫三月既無伯叔終鮮兄弟孝事孀姑矢志不移賴薄田七畝以活守節三十餘年姑卒喪葬盡禮里人莫不感泣

司金屏岡頭人妻張氏二十三歲夫亡伶仃孤苦濯魄冰壺守節

四十餘年卒

段玉鏡楊任旺人妻王氏二十歲夫亡家口衆多氏貞潔自持事上敬長處伯叔姊姒間三十餘年雍睦無怨言

張興道南陳庄人妻孟氏年二十于歸性貞靜事翁姑以孝聞二十八歲夫故氏悲悼欲絕水漿不入口者數日教子有方長積學少亡次業農三子曉嵐入邑庠現年六十有八猶紡績不輟云

鈕好義西營人妻劉氏二十歲于歸善事翁姑七年夫歿姑患癱不良於行家道中落日無度用氏負姑沿乞無怨言撫三歲遺孤備受坎坷歷三十年志不稍挫今始小康焉

趙錫純王府庄人妻董氏十八歲夫亡遺腹生子與國撫育成立孝事雙親三易其姑無閒言又善料理家務矢志不渝現年五十有三子孫滿堂興國法政畢業族黨稱其賢孝

李炳奎北招民庄人妻岳氏二十一歲于歸事親菽水承歡待人和平性成二十六歲孀居子女俱無矢志守節取胞姪殿颺爲嗣課訓子姪有畫荻風年七十有五卒

司東梧岡頭人妻梁氏二十六歲夫亡立志守節不辭艱苦年八十五福壽康寧奉旌表

楊恒文前李台人妻杜氏十八歲于歸二十歲生有二女而夫故節慄冰霜纖塵不染一姪克生爲嗣撫養成立艱苦備嘗現年五十有三鄉里皆敬重之

尙庭懷苗庄人妻張氏十七歲于歸二十四歲夫卒端謹清白人無閒言子女皆無現年五十三歲一姪文煥爲嗣

張玉硯北馬頭人妻李氏年十九于歸二十三夫故家貧甚氏矢志靡他紡織度日親老且有痠痺疾氏事之朝夕不倦歷三十年

如一日現年五十有一

梁金富梁仁旺人妻張氏少有至性年二十夫故遺一子並前子四家貧誓守姑性嚴急不諒其志每責以所難而艱苦備嘗不稍挫嘗七日不粒食賴瓜菓以生苦節三十餘年今子孫成立稱小康焉咸以爲苦節之報

郭家讓西營人妻張氏幼嫻詩禮深明大義年二十歲夫亡上事翁姑下撫子姪曲盡孝慈妯娌和睦戚族無閒言今翁姑逝世子孫滿堂氏年五十餘猶紡績不倦

李坦朱召人妻郭氏二十三歲夫亡有女一矢志守節篤實勤勞事翁姑以孝處妯娌以和內外無閒言取姪文俊爲嗣苦節五十年人皆敬重之

王清泉張庄人妻邢氏年二十四夫亡孝事翁姑歷四十餘年

志靡他翁姑歿喪塋如禮氏躬親料理無倦容現年六十有八

李希祥臧家營人妻范氏年二十五夫亡遺孤尙幼貧苦無依紡績生活撫孤成立松筠爭節人無閒言現年七十九歲

張善同小冀人妻孫氏性仁孝知大義二十而孀操守貞潔家貧夫弟三皆幼氏勤紡織以奉舅姑撫諸弟未幾姑亡遺少子未周歲氏有女方數月並乳之不足氏曰承先人嗣者男也當先乳吾弟餘與女夜亦舍女伴弟值隆冬女竟凍餒死而舅又患瘡痛楚不堪氏竭力調養滌衣洗瘡二年餘無少懈舅愈經商於外氏佐家政勤儉逾恒諸弟皆賴以成立鄉黨咸稱頌之現年六十有九

王聞今水南營人妻段氏年二十九夫故值光緒三年大旱赤地千里氏矢志靡他日用艱窘費盡心力今七十餘矣家道小康子孫繩繩人稱其節



丁祥瑞姜庄人妻栗氏年二十九夫故貧無立錐子四均幼晝事  
乞討夜勤紡織卒撫子寶新等成立得小康焉現年六十歲

陳百福馬小營人妻魏氏幼失怙恃依外祖母以活光緒三年大  
饑氏年十五外家無以爲養草草于歸夫傭作以謀升斗氏勤儉  
以事針黹辨色而興內夜猶弗輟晨昏兩餐箸米粒粒可數年二  
十三夫歿子有德方七齡內外無可恃饑殮恒不給而矢志守節  
教子成立現年五十有八康健踰恒有德以經商致小裕天之報  
施善人固不爽也

李恒泰小塊村人妻王氏年二十一夫故遺腹生子奇峯上事孀  
姑下撫孤兒艱苦劬勞不可勝紀現年六十有三

楊福順李台人妻王氏年二十夫歿節哀順變孝翁姑和妯娌始  
終不渝其志現年五十有五

張鳳王門人妻李氏二十歲而孀無子時翁姑垂老夫弟尙幼氏矢志堅守姑寢疾侍湯藥衣不解帶者累月撫幼弟純成立取姪爲嗣治家極勤儉行年八十紡績之聲猶不絕焉

岳在鏡妻張氏光緒三年夫歿氏年二十七守節撫孤備極艱苦迨子已成立又及抱孫以爲可償素志乃子忽中殞孫亦繼殤茹蘗含冰尤增痛苦聞者皆爲淚下現年七十有三

岳在倫妻臧氏性賢淑從無急言遽色光緒三年夫歿氏年二十九以撫孤自誓歷盡艱辛子幸授室忽遭中殞今又撫孫成人現年七十有七

王曰棟妻張氏年二十六歲夫歿遺孤四齡又殤氏呼天搶地幾至失明取姪大玉爲嗣親愛不異所生翁姑病氏湯藥親嘗不離左右一鄉稱賢孝焉現年八十有二

史紀麟柘榴園人妻武氏二十九歲夫歿以家貧親老矢志守節養弟育孤採薪爲炊剡菜供食無怨言數年遺孤又孀夫弟夫婦亦先後棄世氏獨力撐持教姪贊育成立以經商致小康現年七十有八

郝瑞祥馬方人妻李氏二十八歲夫歿以針指生活上事孀姑下撫孤子紹隆成立守節三十餘年

王桐宋王庄人妻汪氏以操舟度日夫亡氏二十七歲遺孤方六齡撫之十餘年娶妻生子未幾早世媳不能守又育孫矢志靡他現年六十歲

劉文佩劉司馬人妻崔氏二十一歲夫故勵志守節孝親睦族子姪六七愛如所生人稱有敬姜之德柏舟之賢守節三十餘年

王法君寺上村人妻孫氏二十三歲而孀事親能孝處家極和教

子應聘成立現年五十九歲族黨見者莫不敬仰

王廷選寺上村人妻朱氏二十一歲夫故性端謹撫子來祿來祥克振家聲現年五十四歲

常玉珍大塊村人妻張氏二十七歲夫溺水死無子氏堅貞守志奉養孀姑不少怠姑歿哀毀盡禮現年七十五歲

韓懷詩朱召人妻李氏年二十九夫歿子立志方數月家貧無依茹忍饑寒矢志守節撫子成立家亦漸裕年八十而精神不衰鄉里咸敬重之

貢生王永春西街人繼室李氏二十二歲于歸生一女二十八歲夫亡思以身殉繼念前子幼弱撫養無人乃忍痛營喪葬茹蘖含冰撫孤成立長學孔經商次學孟子入武庠家道和順子孫蕃衍守節四十餘年人無閒言

王錫勇大介山人妻張氏年十七歲于歸甫四月夫歿氏矢志守節事翁姑至孝養生送死以禮苦節數十年貞同金石現年五十有七

杜常有康庄人妻楊氏二十五歲而寡矢志守節始終不渝撫嗣孫興孝成立壽八十有五

李永良王門人妻杜氏性貞烈年十七于歸二載夫歿無子屢思殉之家人防護嚴未得死所一夕忽不見氏徧尋至廁所已僵臥槐下疑爲氣結昇之入室見有小趕麵杖半插腹中血猶淋漓出始知爲自以杖抵樹隙猛力刺腹以求速死也醫藥不效竟以是卒噫亦烈矣

庠生楊士元丁庄人妻杜氏年二十六夫歿誓守志孝事翁姑人無閒言撫孤芾南成立入邑庠年八十五歲卒

馬應元丁庄人妻張氏年二十一夫歿上事翁姑曲盡孝謹周郵親鄰人言無閒教子來震成立卒年九十二歲

武生郭占元西陽興人妻馬氏年二十五歲夫歿子振三歲孀姑六旬餘氏昏定晨省二十餘年未嘗倦怠性好善修廟補路不惜捐貲人稱爲郭善人壽八十五無疾而終

孟天峻孟家營人妻金氏年二十二歲夫亡無子家赤貧守志益堅取堂兄天貴次子照璉爲嗣教養成立計守節五十一年人無間言奉旨旌表

郭保平東張門人繼室石氏年十七子歸二十一歲夫卒誓志守節撫前子漣浦源皆成立持家勤儉教子有方年七十五歲卒奉旨旌表

馬瀛元丁庄人妻張氏十九歲于歸三年夫故子來雲甫二歲矢

志柏舟艱苦備嘗撫子成立卒年九十三歲

武生周鈞魯堡人繼室范氏十九子歸生子象離元配苗氏遺子華國民視如己出教養周至二十六歲鈞卒矢志撫孤勤儉自持紡績不輟卒年五十有五華國妻郭氏孝事孀姑人言無閒未生子女而華國病卒氏年二十八歲柏舟矢志之死靡他取弟象離長子繼爲嗣卒年五十有四兩世雙節前後輝映縣令謝益奉旨以兩世貞節表其門

郭師載周魯堡人妻任氏年十九子歸二十四歲夫故子連三甫四月氏守節撫孤事親誠孝勤勞備至漸臻小康卒年八十有一李敏常魯堡人妻師氏二十八歲夫故遺孤三歲氏教養成立現年八十有一繞膝孫曾人無閒言

岳全成郭柳人繼室張氏十九歲子歸二十四歲夫卒遺腹生子

普撫之成立視前子如親生操持家務不遺餘力現年七十歲  
茹文耀後辛庄人妻李氏二十九歲夫故無子氏虔心守節不苟  
言笑又善事孀姑姑病篤氏禱神割腕肉煎藥以進姑病立愈人  
稱其孝卒年七十歲

茹均後辛庄人妻王氏二十六歲夫故乏子女守節事親不畏艱  
苦翁姑歿喪葬盡禮現年六十一歲

李儉西辛庄人妻茹氏年十九于歸三載夫故以翁姑在堂矢守  
節盡孝養三十餘年如一日戚黨咸敬重之

劉運榮馬家營人妻張氏年二十八歲夫亡無子家貧如洗痛不  
欲生繼思上有翁姑無人奉養恐無以對亡靈遂誓志守節事親  
艱苦備嘗百折不渝迨翁姑沒喪葬如禮又取繼子以延禮祀現  
年六十一歲節孝兩全人言無閒



郭士楷陳堡人妻王氏二十一歲于歸孝翁姑睦妯娌一門和順閭里稱賢二十九歲夫故無子矢志守節取姪爲嗣待如親生勤儉持家勞苦備至翁姑兄嫂相繼卒喪葬無不盡禮現年六十有七戚里咸敬重之

張永和劉家店人妻師氏十六歲于歸事舅姑至孝數月而孀氏以舅姑年老節哀順變百般承歡依依膝下者廿餘年而生性端嚴不妄言笑又能周濟親鄰輕財重義年六十歲卒遠近哀之

李鳳書南趙庄人妻苗氏道光三十年于歸數月之後夫忽失蹤氏誓守以待取兄鳳堂長子爲嗣次三兩姪以失恃皆承撫育迄今子孫繩繩家稱小康賴氏之力居多民國二年卒年八十歲當屬續時遺命以大姪爲嗣二姪皆我撫養而成家產務按三分均分其清操卓識有不可及者

劉誠性八柳樹人妻王氏二十歲夫亡無子誓志守節未幾姑又亡遣二弟俱幼撫養成立取姪清和爲嗣持家勤儉雖老不倦現年七十有二

趙炳堂魏庄人妻張氏年十八歲夫亡姑又病歿遺腹生一子茹苦含辛撫育成立事翁至孝人無閒言壽七十有六卒

趙學魏庄人妻李氏二十八歲夫歿無子取夫姪孫法爲嗣艱苦備嘗始終不渝現年八十有一

王紹喜前辛庄人妻呂氏年二十一夫亡取姪清先爲嗣撫育不啻已出事翁姑以孝守節五十年康強逾恒人稱羨之

劉應同八里營人妻蕭氏二十八歲夫故祭告柩前以撫孤綿祀爲職志事翁至孝訓子極嚴守節四十餘年子登癩以貿易致小康戚里匾其門曰彤管揚輝

楊廷林王魯堡人妻王氏年十七于歸越二年生一女而夫歿氏  
潔身守義誓志靡他奉翁姑撫幼女宜家和睦鄰里始終如一人  
無閒言年六十而卒

王學武西街人妻趙氏年二十七歲夫故家徒壁立遺孤寶吉生  
甫三月氏哀痛欲以身殉惟視呱呱在抱冀可延祀緒而光泉壤  
乃茹悲含辛矢志不移教養寶吉成立以經商致小康現年六十  
有七

楊學成西街人妻王氏年二十九歲夫故經營喪葬畢貧苦至斷  
炊而賦性賢淑立志守節賴針指爲生活現年六十一歲鄉鄰咸  
敬禮之

郭師烈北街人妻王氏十八歲于歸生女二師烈爲人經商遇強  
暴死氏青年守節撫女入室取姪蘭堂爲嗣卒年六十五歲

鄒芳楷南張門人妻姚氏夫早卒姑雙失明翁得膈瘻症醫藥罔效氏割臂肉以進事聞邑令祝塏獎錢米以褒之

李純王門人妻王氏無嗣納妾岳氏生子占玉越九年純沒王岳二氏撫占玉成立爲擇配張氏十九歲于歸越二載占玉卒一門三孀族人議嗣紛如張氏曰盍少緩吾猶有所望也越五月張氏生子名芳生又九年王氏卒姑婦同誓苦守勤勞鞠育不解衣而寢者數十年柏節松操共懍冰霜戚里咸稱頌之岳氏七十八歲卒張氏六十八歲卒

杜來賢八柳鎮人妻魏氏賢淑知大體年二十二歲夫亡姑老子幼遭家多難舊業中落氏百計恢復養老撫幼艱苦備嘗人稱爲女中丈夫年五十七歲卒

北街生員郭師煦妻呂氏十七歲于歸咸豐九年夫卒氏年二十

七歲痛不欲生惟念遺孤書堂方八歲鏡堂五歲乏人撫養且翁姑年高龍鍾需人不忍驟離膝下茹蘗含冰矢志不移翁姑卒喪葬盡禮撫二子成立光緒三十二年氏卒計守節四十七年

支長富同議村人妻王氏年二十九歲夫亡遺孤文秀方五齡未匝月翁姑又相繼去世氏茕茕無依經營喪葬備歷艱辛矢志撫孤忍饑耐寒日夜紡織不輟時值旱荒賴鬻藻榆皮爲生活撫子成立晚年置田數十畝且抱孫焉每談往事尙淚泫泫下卒年七十九歲

郭慶棠東張門人繼室陳氏二十二歲于歸年餘夫故遺孤家福方七歲氏撫養成立愛如親生勤耕讀務節儉矢志冰霜治家有聲戚里賢之現年五十五歲

楊錫志壇後人妻孔氏二十二歲夫故無子氏焚香祝天矢志守

節孝事翁姑養生送死無不盡禮現年五十四歲取姪得源爲嗣  
教養恩勤人言無間

丁百齡丁固城人繼室史氏年十七歲夫亡絕粒哀號誓以身殉  
以翁姑防衛嚴不得死時前房子方週歲孝親撫孤備極辛苦十  
數年翁姑相繼病歿子又早世遺一孫氏忍痛含悲與媳任氏再  
撫藐孤成立了丁祀賴以不墜幽閒貞靜洵柏舟之懿範也現年五  
十四歲

蘭生幽谷不以無人而不芳珠韞深淵不以見遺而自毀每慨  
窮鄉僻壤間共姜遺範所在多有而採訪不及旌表不聞腐同  
草木姓氏不彰者豈少也哉況三十六社之大百八十年之久  
其松操柏節淹沒於甕牖繩樞中又何可勝數此載筆者之隱  
憾也故詳查舊卷博考遺聞無論已旌未旌凡有姓氏可考卽

事實未詳亦必彙列於篇以備參稽哀其遇而不忍沒其名惟後之覽者諒之

烈女

張烈女豆腐村人幼字秦村營陳敬未娶而陳歿女聞訃奔喪一痛幾絕念無後爲大請於舅姑願守志立孤隱忍撫育十餘年孤竟不肖督責之仍弗悛女曰此吾畢命時也送雉經死似此捨身取義立孤殉節較之曾篤伉儷之情已諧琴瑟之好一朝永訣捐軀殉夫者尤爲難事邑人傳良臣有祭張烈女陳節婦文并序見藝文

趙烈女王吉祥未婚妻也同治三年吉祥卒女聞訃告父母曰女既受王氏聘卽王氏人請奔喪成服父母難之曰汝年幼萬一不保其終徒貽鄉里笑可乎女默然俟父母寢熟潛起投繯死時同

治十三年女十九歲

烈女李鳳姐李楷女被唐河妞語言調戲羞忿自縊身死知縣祝壇拘唐置之法詳請奏准奉旨建坊

范烈女王小屯范德女字大塊村儒童劉全貴未結褵而全貴落水死女聞訃涕泗哽咽誓不獨生母段氏多方勸慰女曰已還劉家名卽作劉家婦願送兒爲亡夫持服營葬上事舅姑以了亡夫未竟之志母曰癡子何作是想汝夫屍骸尙未知漂沒何所將往爲誰守乎閨中年少孤身無依保無是非之口乘間而媒孽之是重貽父母憂也女憤然曰果爾則以死繼之女請愈力母拒益堅其視死如歸之志更不可奪夜半潛理簪珥母覺防衛嚴會大雨雷電交作忽戶外有崩峯聲因給母曰厨房塌矣母出視女卽取滴水飲之比覺救已無及時道光二十七年六月十七日也女年



二十有二至是夫屍已得商諸舅姑合塋焉鄉里舉其事奉旨旌表修祠建坊共城田心畬爲撰文勒之石

郝烈女南張門郝嘉成女年十七許聘未嫁一日有親屬某至其家適其父母他出竟被凌逼堅拒得脫女羞忿泣至夜深投井死未蒙旌表節烈不彰人多悲之

邑廩生郝祥雲詩云生成烈性慄秋霜視死如歸亦有光一點  
貞心原不朽至今猶覺井泉香柔腸百折向誰論甘就寒泉浴  
淚痕大節竒冤終淹沒九原何自慰貞魂

### 貞女

孟貞女孟家營孟增顯女隨父學竒門頗精其術捻匪之亂獨不逃城村人楊大道訪其父聞聲不得其門顯出攜之始得入後以養親不擇醜死於家

許貞女西元封許春芳女名藕姐生有異姿守貞不字年十餘歲  
卽願棄人間事赴會靈山善承母意片刻不離左右有議聘者女  
聞之似重有憂常自謂逐紅塵何時了入深山修道好父母以婚  
事商之輒氣死逾時方甦於是無敢議聘者靜閉深閨焚香默坐  
以紡績餘貲買地數畝以爲死墓之地現年已六十有七矣

咸豐十一年同治六年殉難節烈婦女

武法林妻劉氏高灣人

高錦堂妻王氏北招民庄人

王樹儀妻蔣氏

張鳳堂妻劉氏俱陳堡人

楊世法女恩姐陳堡人

范德妻段氏王小屯人

楊業富妻岳氏東元封人

羅用妻趙氏石村人

黃貴福妻趙氏

黃永齡妻張氏水南人

徐復身妻戚氏小河人

王樹庭妻閻氏陳堡人

張明祿妻姬氏關堤人

張培法妻張氏西河人

梁尙志妻李氏

梁繼武女臙姐俱西水東人

王守保妻宋氏

王守保女蘭姐西抬頭人

劉玉成妻張氏

殷光耀妻尙氏俱楊小屯人

韓光仁妻李氏八里營人

牛玉妻石氏牛村人

劉運太妻劉氏

繼北關舟中

馬貞妻李氏陳庄人

樊學仁妻冀氏南馬庄人

靳輔妻炎氏朱召人

苗芳洲妻焦氏

祁恂妻郝氏

郭林富妻姬氏

高錦春妻王氏

郭林法妻王氏

周平國妻張氏

高錦春女東姐

周全華妻郭氏

周纏妻張氏

周全升妻王氏

周全文妻邢氏

楊萬春妻文氏

周綱妻常氏

鄒芳栗妻李氏

李棟妻范氏

郝純光妻吳氏

王文富妻王氏

張錫福妻張氏

王儒妻馮氏

宋法振妻王氏

宋法印妻范氏

牟稟乾妻李氏

梁峻峯妻張氏

尙天德妻郭氏

劉海孟女棟姐

苗釗妻王氏

張培禮妻姬氏

苗復成妻孟氏

苗耀妻貴氏

趙天成妻朱氏

郃有福妻孫氏

李煥魁妻尙氏

苗三林妻李氏

王柱妻路氏

趙春妻李氏

趙三元妻王氏

王文喜女能姐

苗永安妻李氏

王得賢妻牛氏

張紹聚女十八歲投井死敦留店人

陳芳蘭母史氏東大陽堤人

劉傳紹母投井死西寺人

崔卓氏投井死崔庄人

張玉名母李氏李台人

咸豐十一年之東匪同治六年之捻匪迭擾縣境焚掠裹脅慘不忍聞其間逃避不及之婦女或死於刃或死於縊或死於井隨處有之嗣奉飭查報經文生范希元等彙冊上聞准予旌表以彰節烈事實大概相同無煩備述然此其有冊可稽者也聞當時且有慘死道路不知姓氏里長爲之殮埋無從稽考者祇須概從闕如嗚呼慘遭世變無辜殃及載筆之餘猶覺貞魂烈魄流芬於楮墨間焉爲之慘然者久之

賢婦

郭遇熙繼室鄧氏于歸後善事孀姑極得歡心夫官從化令主持內政井井有條於公事概不聞問嘗謂夫曰但願居官存好心行好事耳不必憂內顧遇諸姬以德化絕無妒嫉諸姬亦事之維謹嫡庶五子相待如一且恐不均而預爲處分以子女分屬諸姬令無出者亦得所養一生恭儉慈惠無疾言遠色卒年七十有二易簀之時神閒氣靜端然而逝

郭遇熙副室白氏孝子培壙之生母資性異順佐理內政克任勞勩主婦鄧心賢之於諸姬待之加厚氏益自下嘗謂其子曰吾前後侍主君者四人獨吾有若兄弟主君捐館三人楚獨可傷若兄弟事之當如事我其訓子之嚴正可以概見以子貴封孺人卒附葬後培壙廬墓三年

殷元福曰春秋之例微者不書而於紀叔姬卒葬特詳眉山蘇轍以爲叔姬賢之也若賢不得書必貴而後書則是以貴而蔑德也今觀鄧太君之待孺人孺人之事太君可不謂之閭德相孚哉應得附太君以書若其命兩兒母事諸姬深合乎公羊氏一人有子三人緩帶之意其器識不凡仁心爲質又豈巾幗中所有哉

孟翼孔妻郭氏郭武銘長女温恭莊靜不苟言笑于歸後事翁姑極孝每黎明卽侍榻前奉色笑而針紉不離手操持家務不潛不濫翁姑嘗語人曰不意宦家女子能勤儉恭順若此翁姑歿佐理喪葬必誠必敬中年課諸兒讀尤諄諄不遺餘力翼孔卒哀痛盡禮嘗呼兒柩前曰汝父既歿其無曠耕讀以承先志言訖淚如雨下至天柱中副車天馥登鄉榜人稱羨之而年逾六旬針指不輟

自節衣食周卹貧乏尤有人所難者謂非巾幗而丈夫者乎壽六十有九以子貴封太孺人

郭培壩妻鄧氏岳州府同知林尹孫女生而慎重安舒戚里稱賢于歸後事生母白恩母王如事姑也侍白疾累年恪勤如一日培壩廬墓三年家事井井甚得內助力而王性至嚴少拂意卽怒不解氏嘗風雪立門外夜半不肯去必母顏稍霽乃歸寢性慈祥禁子女擅行鞭撲奴僕且不佞佛不近巫師不信人言鬼怪荒渺事卽有親見者亦恬不爲意宗黨親族共稱爲閨閣大儒云卒年七十有四子四孫六曾孫九而子兩銘孫澆尤擅盛名慈訓之留遺者遠矣

衛世傑妻王氏靜澗中丞之太夫人樸質勤儉富貴不移雖就養撫藩任所荆布自娛不輕御鮮衣美食而於剪餘之布帛絲縷及



小兒所棄之餅餌必檢存之雖細不遺曰督婦女以針帶一如隨夫在教官任時而訓子以清正愛民始終無間中丞恪遵之所至有聲得力於母訓爲多年七十餘卒以子貴封一品太夫人

郭文貞字恕宣郭澆女弟歸德府教授衛大壯室幼嫻女訓克盡婦道精針黹解繪事夫婦怡情畫理同此素心花鳥仿南田一洗纖弱之習寫意水墨荷花蕭疏淡遠瓣香天池署畫現身說法不襲前人窠臼南樓後所僅見者書學衛夫人詩追劍南著附刻嚙語誌畧行世

廩生馬蓉溪妻岳氏母家爲獲邑巨室頗豐富而馬甚貧于歸後與孀姑紡績營生以資薪水絕無怨言夫妹將嫁無力爲辦奩具慨然以已之奩具與之無吝色後家稍裕夫之姊妹甥男女常依之爲生活而撫卹周至雖躬執爨以飼之亦無愠意其仁厚可以

概見卒年八十有六以子席衡席聘貴封太孺人

劉大信張灣人妻趙氏孝順慈祥不畏艱苦治家勤儉教子尤嚴  
大信歿子永奇永新永乾皆入武庠氏經理一切喪葬事宜不令  
廢時失業道光己未永新永乾同捷武魁丙申庚子先後成進士  
欽點侍衛永新出任都戎永乾入侍禁廷氏諭令安心供職勿與  
家事又令少子永熙讀儒書九熊畫荻以得早歲遊庠諸孫蔚起  
文武兼資入泮登科踵相接年七十餘猶督率家人耕織不倦堂  
開五世德壽雙高鄉里咸稱頌之

廩生張瀚妻郭氏華陽先生女幼知書曉大義事翁姑以孝處妯  
娒以和教五子以義方皆能成立孫枝蕃盛年八十歲卒鄉里咸  
稱賢母

庠生張湘妻郭氏靈坡先生女生有至性幼知書史善事翁姑曲

盡孝道家貧嘗質簪珥以供甘旨不稍惜數十年如一日戚里賢之

武生金連三東關人妻張氏性孝順翁姑在堂克盡婦道料理家務雖備極勞苦從無怨言妯娌宗黨間悉服其德年八十餘歲精神強健子三雲祥武生日祥生員耀祥庚子舉人禹州學正孫曾繞膝五世同堂光緒十六年巡撫倪以七葉衍慶旌其門

田松林妻王氏庠生王清一胞姊幼讀書明大義工針黹耐勤苦十八歲于歸家無隴植門無次丁翁患目疾姑久失明起居飲食一切需人氏生長富室能操井臼事中饋不厭貧苦得翁姑歡十餘年無倦容嗣翁姑同病疫夫亦以憂勞致疾氏獨侍左右湯藥親奉仍下撫諸兒寢食不遑者月餘而翁姑同日逝夫病未痊忍痛含悲力營喪殮附身附棺無稍缺陷親友皆爲之感泣幸夫獲

漸愈始營塋事借貸纍纍家計益艱氏力持勤儉又二十餘年漸致豐裕諸兒讀書皆自教之每篝燈紡績課讀循循必四書畢業始令出就外傳教子芸生尤嚴謂此兒有造才也家無讀書人不足以與一切瑣事不使過問故得以有成焉年五十七歲以積勞致疾卒時有子六孫九曾孫一以子芸生貴封太孺人

千總范聚妻師氏善事舅姑理針黹主中饋朝夕不怠舅天坤病劇氏供湯煎藥衣不解帶目不交睫者兩旬餘焚香祭告天地割臂肉爲飢餽以進舅不知也食後病漸愈氏忍痛裹傷未嘗告人其孝由天性概可想見

魏庄趙信母李氏事姑至孝姑患噎醫治無效將危氏割股進食竟獲痊愈人稱其孝卒年八十九歲

小塊村張連秀妻李氏生有至性未入室時父病久不愈氏曾割

股進食旋愈迨于歸連秀數年夫病醫治無効氏又割股進食其意以爲股肉可愈危疾耳豈知不敢毀傷之義然其愚可憫其誠亦可鑒也

庠生劉召棠繼室劉氏于歸時前子文佩土元方數歲恩勤撫育愛如己出事翁姑以孝聞嗣生子六人教養一如前子絕無親疏之別及召棠卒氏持家公正日益昌大年逾六旬精神不衰士元兄弟亦恂恂孝友無間言使爲繼母者皆知取法則家庭雍睦伯奇申生又何患也

于學禮永城店人妻任氏年十八于歸時翁已逝世事孀姑極孝順姑卧病久不愈親奉湯藥衣不解帶者七十餘日迨姑病甚撫枕歎曰得婦如此吾無憾矣此時氏子百興甫八歲女甫六歲氏勸夫令子入學讀書親操紡績督課女紅不幸夫早去世子未成

童艱難辛苦不堪言狀乃令子舍讀就耕自理家務不憚煩勞饗殮粗給然氏性最烈家法甚嚴子女有過輒痛斥責甚或令對木主長跪終日不得食嘗謂子女曰吾所以撻責汝者非害汝也愛汝也百興因受母教克紹先業女亦因素嫻母訓出閨年餘家人俱以賢淑稱氏年八十三而卒夫事孀姑以孝聞則不愧爲賢婦誨子女以慈著則不愧爲賢母播令名於鄉閭樹芳型於巾幗誠足以風矣

楊敬汲邑宦裔妻王氏係新邑庠生王清一胞妹年十五于歸數年生子女各一家本中落又值光緒三年大饑典賣一空日無聊賴敬逃荒外出不知所終氏撫養子女以針指爲生活誓守以待艱苦備嘗男婚女嫁幸皆成立嗣以子國柱從戎於外汲無可依憒居於新年已七旬猶日事女紅不稍輟

王得元東營人妻楊氏朱召楊逢福女于歸數年夫患瘋癲飲食居處不能自知氏事之維謹或不時外出莫知所止氏着人四出尋覓寢食不安歸又不忍拘禁之時時伺其動靜備受顛連窮苦萬狀無怨言戚里賢之年七十五卒

王廷桂絡絲潭人妻張氏賦性貞靜翁姑病中氏晝夜侍奉湯藥親嘗夫病焚香祈禱願以身代而竟獲痊愈子二得中業儒入邑庠得庸爲商嘗以士立志爲先商以義爲利反復教誡立爲家法現年已八旬猶勤紡績有敬姜遺風

崔氏拔貢李雲杞母也孝事孀姑頗識大體夫會園嘗開設酒市酒醴麴蘖日夜操作雙目近盲氏中饋之餘兼理家政俾夫無內顧憂光緒三年大祲老幼二十餘口家無儋石夫齋志而歿氏脫簪珥糶糧奉姑育子復攜雲杞掘萹菜捋杏葉佐餐且課子嚴雖

日一炊必令讀書無少懈嘗曰汝孤家赤貧倘不努力必爲乞丐  
但博一衿卽爲孝子言至此淚泫泫下矣十八年姑歿析爨僅得  
草屋數椽此外器物零碎任人分取無怨言惟保存殘書數卷以  
遺子讀丁酉雲杞列拔萃科人以爲得賢母教也民國六年氏卒  
年八十七歲

牛自好永安村人妻孫氏性善良家貧往往日不舉火道光二十  
七年翁姑在堂自好僱工難資養贍剪髮賣錢以供甘旨光緒間  
子孫成立家稱小康卒年九十有三鄰里稱賢孝焉

梁永祚敦留店人妻王氏性慈善佐夫理岐黃業因精小兒科求  
診疾者嘗接踵於門多所全活概不受謝近年屆大耋壯健如恒  
髮已白而復黑齒已脫而復生遐邇咸稱異之以爲全活嬰兒之  
報也



于百興永城店人妻孟氏幼讀書明大義于歸後善事翁姑曲盡孝道每調羹必令姑嘗之眠時必親扶就寢命去然後去數十年如一日以是嘗得翁姑歡及翁姑逝助夫治喪悉遵禮制子三長永先次永慶皆務農三永明讀書遊郡庠家聲爲之一振三媳被化皆孝順和睦諸孫亦亭亭玉立門內垂休穆之風鄉黨著各德之譽可謂賢矣壽七十有九卒

新鄉縣續志書後

滄海橫流戰雲瀾漫當此而欲著書爲斯文吐無上之色彩鮮不爲人所誡謀然世運剝復之交每有一二隱君子搜輯著述思存古道以正人心豈非空文以自見哉十二年癸亥春濟川以蠶吾下土忝縮斯篆下車伊始旱魃爲虐躬率諸紳亟效桑林之禱不數日普降甘霖禾乃大熟邦人士額手相慶謂頗平原甘雨隨車不是過也繼同田君香圃昆仲及李君亦楓晤談知邑乘垂成而欸尙缺乏竊思邑之有志猶國之有史此志經百餘年廢墜至今韓鶴亭既提倡于前璩文衡復補苴於後矧香圃遠紹旁搜三年脫稿設令劄劂未付不特諸君雅意未酬而一邑文獻湮沒不傳所關尤鉅此濟川之責也商之樾圃酌撥漢堤餘款俾竟全功書成之日請綴數言以爲紀念而濟川投筆從戎十餘年矣盾墨久

湖豈能爲役惟念先愷之公以明經設教學宗顏李務期實行雖  
未高掇巍科而栽培多士名噪一時濟川以丁酉博士弟子員獲  
中壬寅副車勉爲真儒利濟當時庭訓猶懍懍也謹於簿書餘暇  
搜索朽枯發摠懷抱竊望讀斯志者知起八代之衰濟天下之溺  
仍非斯文斯道不爲功若區區爲鄉邑矜式豈足盡其義蘊哉

民國十二年署理新鄉縣知事蠡縣蔣濬川謹識